



89522

續明紀事本末卷之十五

諸方義旅

順天諸生孫大壯起兵城北得丁壯千人復仇被執曰我非祗八黨不必問其亟還我太子腰斬而死

國朝志  
亦汪都倪在田甫輯

諸生孫繁祉起兵昌平繁祉既捐貲倡衆舉崇禎帝及周后於故陵聞張斌兵至與推

官王延受舉人楊茂春倡義殺賊縛僞官誅之尋沒

城以所部兵入遊化殺僞知州黃定其後死降不可考

諸生郭珩王拱辰起兵肥鄉珩拱辰及同志十餘人起兵事洩爲賊將張汝行所殺諸人名字多逸有諸生某亦肥鄉人別自起兵亦被殺

諸生殷淵起兵於雞澤賊檄諸生應試或勸使行曰好頭顱聊寄頸上耳賊必不可見也及北都陷與其兄岳諸生黃恭祐喪妻起兵事洩淵被殺於廣平之廣羊山

諸生王延善舉人孫奇逢諸生惲日初及某某起兵於雄縣延善帥子餘恪餘祐與馬魯邊文祺傳檄起兵克容縣新城雄縣斬賊僞官豪格兵至延善拒戰及餘恪皆敗死

日初走入閩奇逢入蘇門山以終某某失其名

續明紀事本末 卷十五

義民某某起兵滄洲皆以陳正揆言殺賊所署官獲其印十八俄敗沒

義民某某起兵天津遇滿洲兵敗沒

諸生張彪及某某起兵涿州地居最衝扼障南北亦至煩雜事策易洩彪值京師之變

卽糾衆起兵爲賊所覺彪遂以死某某者亦起兵後於彪滿洲兵擊滅之定州民亦忿僞令董一陽暴虐執殺之時直隸行都司治多殺僞官復爲明里居世族逸不可攷起兵之狀亦淪墮是以略誌之

諸生劉孔和起兵長山孔和故相鴻訓之子也貢文武才聞京師陷散財結兵得數千人屯長白山殺僞令引衆南下劉澤清使人說之因與合憤其無道數討責之俄澤清

以詩示坐客競譽之孔和不語因問之則大言國家舉淮東千里相付不發一矢工詩何爲况不然乎澤清怒罷酒坐客皆懼孔和徐步出澤清使力士二十人追之舟中拉

殺之朝命孔和爲副總兵制下死三日矣

貢生馬元厥諸生謝陞起兵德州僞防禦使關傑苛虐爲截指斷筋之刑逃者焚其宅又囚宗室故香河知縣朱師欽元厥陞不勝忿一呼衆應執傑及僞州牧吳徽文殺之



推師欽爲濟王移告遠近兗州青州萊州皆響應史可法請急濟之不應又詔陞爲故相謝陞優加寵賜陞及御史盧世澹雖附之起兵及阿濟格軍至陞世澹開門降陞及元際則走死

太常少卿傅鍾秀主事單崇起兵於高密鍾秀聞北都陷號泣一夕鬚髮皆白與崇謀起兵爲賊所執不屈而死于真初以身真父死衛王某玉田王世子某起兵青州王帥諸生驅殺僞官請使內附南都不報豪格兵至王不知所終玉田王子亦敗死義士某某起兵於兗州殺僞官附衛王共復爲明南都不之應遂以敗沒義士某某起兵於登州蓋聞衛王起殺僞官以附之俄而皆沒義士某某起兵於萊州亦殺僞官以爲明尋爲豪格所破時兗青登萊之間義兵屢起其風剛健士亦可用宏光帝一切置不問巡撫王爰菴萊總兵黃蜚皆湮空名以洩任又不能至諸郡坐沒並諸起兵之人事跡里居姓字皆湮失

富民祁八起兵於鳳阿營山東治也八既起兵自稱將軍以諸生楊鳴鳳爲謀主張三爲前鋒植二大旗聲救崇禎太子兵至張三大呼速出太子不然無遺種兵斫之三呼續明紀事本末 卷十五

燃炮聲未絕而首墮八鳳鳴皆被殺

原任游擊高桂義士許來春起兵泰安州時賊將爲兵來兵妻兵去民妻語又捕掠紳士趙某桂來春奮袂起以百餘人執僞防禦使及僞賊十許人皆殺之僞將郭昇自兗州來攻城陷桂及來春皆死之

兵部職方司郎中凌嗣起兵於臨清州僅三百人殺僞防禦使王皇極傳檄山東與謝陞相犄角土寨歸之進克濟寧馳疏南京請通南北收緝山東屯舟師於廟灣以援登萊之義旅詔嗣巡撫山東及楊方輿等兵將至嗣請便宜通好北庭名爲西伐實作東防臣之忍苦支持以臨清畿南樞紐他日收拾之本也與其竭力守淮無若竭力守此不聽嗣所得地半躪於士寇未幾改嗣巡撫河南

詳列

都司李允和起兵於濟寧州殺僞官劉濬尹宗衡張問行傳龍九人因降臣原任兗西道王卅英獻俘南京尋敗沒回民楊科亦起於濟甯殺僞鎮道自爲總兵請以刑部右侍郎潘士良爲總河不報科旋爲朱繼宗所殺

義士李化鯨李名驥張學九起兵於曹縣復爲明人多附之遂及故宗室王某以兵破



曹縣定陶東明城武諸邑阿濟格使擊之皆死

義士某某起兵於榆次太谷定襄忻州皆遂僞官據城自守賊黨劉芳宇攻之屠太谷榆次俘定襄民還太原降賊總兵陳永福盡殺之忻州祁州禍尤烈以志乘不詳惜之故奇劉遷起兵於雁門略其關據之連取代州五台繁峙靜樂交城降將姜瓖復以大同叛諸忠爲明者爭起應之遷與萬練出清源徐溝分道攻太原降臣祝世昌屢擊之遷敗走黃香寨寨破死之

故都督萬練起兵於偏關攻寧武保德崞嵐皆下之進攻太原爲祝世昌所擊練自焚死其將劉清等殉焉

故巡按御史李虞夔起兵平陸與白璋張萬全破平陽蒲州解州西指潼關東應姜瓖於大同山西大震及萬練劉遷王應強敗孟喬芳來攻璋及萬全禦之敗績死者六千平陽蒲解皆沒滿達海又破平陸寨虞夔子宏投崖死虞夔走陝西其堵匿之旋被執死

山陰王朱鼎濟起兵於毛壩關以單一漸爲帥降將張天福攻之鼎濟被執及其監軍

### 續明紀事本末 卷十五

王守基參將張文秀游擊單昌社李之連八十餘人皆死一溺投崖死

副總兵孫守法起兵興安闖賊陷陝西可法棄妻子入終南山誓恢復或曰君亡國破復何效乎守法慷慨言與王光恩攻興安拔之及平利白河上津大敗賊黨路應標於鄖陽及阿濟格兵入陝西守法復入終南山奉漢中王某開邸五郎馳檄西安漢中鳳翔平涼延安慶陽使賀珍以三千人復鳳翔守法攻西安鄠鄠縣涇陽三原臨潼澄城白水次第降軍聲大振武大定劉文炳賀宏器郭金鑄皆應之孟喬芳懼檄山西兵自救王知禮職之喬芳以邊兵自守守法攻之步騎萬人平陽人曹三俊王英師可宗謀以城應寧夏甘肅諸義兵亦來附降武帝聞之喜遣使封守法以伯爵俄三俊等事洩死和洛輝以救兵至賀珍胡開化言我兵少攻城又不拔何以能戰乃解圍守法還五郎喬芳進攻之興安賀珍劉二虎胡向宸戰死賀宏器爲降將張勇劉復元所執死守法亦敗於椒溝半尺峯喬芳誘之入伏中可法揮鞭力殺百餘人乃死守法死其弟守全復安州屯於喬麥山喬芳誘之入伏中可法揮鞭力殺百餘人乃死守法死其弟守全復結川湖諸將屯於太陽山降將趙光瑞等合圍之其部趨新寧趙定國謝天奇王萬爵



皆死守全亦沒

舉人姚紳霄起兵於邵陽遣使結孫守法孟喬芳以兵攻沒之千總康姬命起兵於其汛及衛天明皆助孫可法孟喬芳攻之姬命守張果老堡堡破姬命死之

諸生王知禮李世仁起兵於朝邑殺守吏以應孫守法孟喬芳呼救於山西兵將至知禮使人僞操羊酒迎之盡殺其卒尋俱破滅

總兵賀珍起兵漢中屢與闖獻諸賊角又拒孟喬芳兵與賀宏器李明賢結兩人亦起兵者俄敗於鷄頭關又敗於階州成州宏器明賢皆戰死珍嘗及李遙等攻蒲州同州皆下之進掠紫泉諸邑與孫守法攻西安斬而敗於漳泗南人鄆陽結石梁山衆及穆天相王國賢朱國珍李世英李應全竊輿安爲降將任珍敗於白土關珍入竹溪依山立寨任珍來攻國珍世英以戰死珍及天相攻竹山不勝遇伏於黃泥溝應金被擒石梁旋沒國賢亦死珍屯川北渡涪而南以李赤心至復屯川北與川中諸鎮錯其衆數萬已而病卒天相匿山谷爲其僮僮尙志所殺以其首降諸將劉文炳郭金鎮黃英焦容仇容皆起兵應武大定於固原既而皆沒大定雖與賀珍齊名授伯爵忍而好殺入續明紀事本末

卷十五

四

川後比於袁韜降於孫可望斥之

參將王永強起兵於延安盡下同官綏德臨漳執降臣王永忠靖邊道夏時賢皆殺之進窺西安降臣李國翰敗永強兵降將李忠又敗之蒲城延安綏德先後沒藍基等叛降永強敗死

都司劉登樓任一貴起兵於榆林東應王永強盡下榆林十八營堡吳三桂使南一魁來攻登樓守楊方坪戰敗其部楊虎被殺又陷鎮靖堡一貴奔定邊人謝汝貴軍榆林東西堡寨皆沒登樓爲降將劉名芳所殺定邊破一貴亦被殺

貢生溫元春諸生杜桂枝金章王汝盤監生郭梁起兵於安定元春諸人聞京師陷各散家財倡義皆殉節死

義士謝汝貴起兵於定邊亦應王永強而與劉登樓任一貴相結一貴來奔汝貴與共守南一魁圍之齊進才叛殺汝貴以降其部戴治民諸人皆被執死汝貴官階不可考又花馬池人周四及甯夏神木靖邊皆起義兵申結孫守法王永強賀珍武大定等邊陲文獻尤苦無徵故其狀不可考



回人丁國棟米喇印起兵蘭州奉延長王朱誠錄復爲明遂下岷州洮州河州至於鞏昌孟喬芳使降將趙光瑞馬甯趨鞏昌喇印國棟與戰廣武坡敗績解圍屯內官營喬芳分兵追之使張勇攻馬韓山光瑞攻梅川喇印軍又敗丁光射被擒喬芳兵趣內官岷洮河三州皆敗喇印等退守蘭州喬芳與緇色攻之國棟喇印稱受撫甫二月復攻甘州陷之執降臣巡撫張文衡西甯道林維道參議張鴻翼總兵劉良臣副將毛鎮潘雲鵬皆殺之喬芳與傅喀禪羅畢太及降將齊陞等合攻之不能下乃作重圍深溝高壘以困之國棟喇印固守既而食盡潰圍走喬芳追之喇印至永泉被殺國棟再結纒首之回王倫泰等攻肅州陷之大掠武威張掖酒泉地張勇馬寧攻肅州陷之國棟倫泰皆被執死延長王被執於馬家坪死

總兵官劉洪起起兵南陽洪起當流賊亂卽與弟洪道洪勛洪禮結寨自守屢創賊夜使人入賊屯取其馬賊憚之呼爲劉匾頭自成餌以將軍印不受及李際遇等降自成洪起獨不可留洪起洪道守營已則一日夜走七百里求救於左良玉勛入於足皆不知又破老桐廬於西平復汝州王寇皆歸之衆幾十萬縛自成黨金有章鄧璉磔於市

續明紀事本末 卷十五

五

盧九德以聞旋入杞縣大破賊巡按陳潛夫請畀以桴印總兵不聽前及多鐸兵益南始命以總兵官提督河南已無及矣洪起旋敗於平頭寨和洛輝急攻之洪起中流矢卒南郟沒數月矣中州義旅惟洪起始終不二云

甘肅巡撫楊汝經起兵林縣汝經之官次林縣聞北都陷帥壯士討殺僞官爲賊所害旣而盛時隆及申吉白維屏游擊黃承國都司李定國馬國楨歸德知府桑開第舉人丁魁南郭曠余正聲皆以兵擒僞管河同知陳奇等見前撫按以告南都惟議守江略不之重虛狗故事除撫按文武官又使越其杰等敗之見前時隆等後事不可考

義士某起兵於長葛執僞官復爲明副將劉鈔等以告中州固多堡寨陳潛夫用之郡邑多復李自成聞之懼使其黨僞制將軍李岩往鎮之已而殺岩已亦旋敗遁入陝無或據河南意小袁子叢擄徼河北非巨衆得重兵賢帥泣之中州坐定並河北三府以障開封洛陽者何不可圖君臣玩愒史可法又不能立進諸堡寨豪雖封爵受官偏列南北豪格等至則迎降或於降後更應童子試覓舉求官歸旗籍抗身死事者皆劉洪起楊汝經反寂寂也



兵部尙書史可法起兵南都時四月戊午朔也可法與戶部尙書高宏圖工部尙書程注都察院左都御史張愼言兵部侍郎呂大器翰林院侍讀姜日廣太常寺卿何瑞徵鴻臚寺卿朱之澄太常寺丞姚思孝給事中羅萬象河南道御史郭維經山東道御史陳良弼廣東道御史周元泰山西道御史米壽圖陝西道御史王孫蕃四川道御史朱國昌警告天地馳檄勸王略言譬以同舟之誼但凡千八百國疇非王臣揆諸恤綽之心不至二十四城決無勇子可法督師至浦口聞北都陷痛哭觸柱流血至踵議急趨決戰諸臣請先立君乃還諸人亦多抗節者

副將錢國華諸生謝琢起兵溧陽將取鉅於富者琢不可毀家應之不繼而潰被執使自贖曰我大明諸生豈以貨活哉乃飲刃死國華遙奉瑞昌王爲主兵敗至對埠被殺樂安王諱石瑞昌王諱渤起兵句容分屯溧陽金壇諸鄉義民楊三貴王明生謝宏之姜雲甫皆警衆起王使結之遂合兵三路襲江寧居民萬華德郭世威五十餘人將與合爲奸僧洩其計洪承疇盡捕斬之諱石兵至勁騎突之追至攝山死者甚衆王走鎮江馬得功跡之五條卷及其經略韋爾韜總兵楊貴謝含章皆死王弟諱臣及瑞昌王

續明紀事本末 卷十五

六

部趙正走宿松被獲承疇復殺之樂安王亦死何成吾何鳴吾者兄弟也家句容張家玉言之隆武帝以爲奇才乃心明室且其居逼近京邑可以觀隙故句容知縣宗室朱議深固識於隆武帝使諸生戴明恩投成吾爲總兵鳴吾副將與金聲相犄角取南京降勅從吾曰兵行無妄殺有髮爲廂民無髮爲難民此十字切識之勅議深曰朕自許忠孝爲法受過今爲祖宗復仇有進無退宗卿朕猶子行也其克悉朕心出險亨屯助朕以助神宗於乎欽哉高廟亦孚祐爾於無窮議深成吾等結七十二村聚衆八千卒散沒

義士某某起兵於淮安巡撫路振飛用之緣淮上下數十里旌旗鉦鼓日夕相望潰兵不敢逼俄振飛以喪去田仰代之義兵多叛劉澤清穴淮安復盡散之收其驍悍者入已軍反以恣亂故淮安義旅無聞矣

都司官鄧某諸生司石磬起兵於鹽城被執至淮安擬立不跪鄧欲脫石磬曰此儒生吾強之爲書記耳石磬呼曰公何悖乎吾實首事奈何諱之下獄六十餘日狂歌痛飲誓不絕口與鄧皆死



義士王翹林繆鼎吉鼎言起兵於淮上時宗室新昌王居雲台翹林奉之攻鹽城興化拔之鼎吉與其弟鼎言以衆應驍銳甚攻兵至鼎言持長矛掠陣殺傷其衆被叢射死鼎吉復攻城屢斬獲兵攻其壘不能動轉戰既久饑而被執或愛其勇欲降之不可乃死監國魯王贈參將王及翹林被執死

益王宗人某起兵於廟灣宗人失其名奉隆武帝以號召自稱督師史可法有舟數百乘間攻淮安至車橋庫禮及降臣楊聲遠敗之進攻廟灣宗人兵潰其將周文山與入海日夜襲淮安入其城爲庫禮所拒敗去久之乃沒宗室朱崑未知所屬爲聲遠所獲及其子粟皆死之

諸生張明聖起兵於興化與其事者十有四人皆同志也事敗死之

義士趙雲起兵於如皋戰於汶河洋庄皆敗雲遂死之

故督師募客厲昭伯起兵無爲州昭伯入大學士史可法幕貌又類甚督師亡昭伯得走募亡命數百人破無爲州及巢縣旣而兵敗被執死之

杜陽王某起兵於和州廬州間洪承疇使吳兆勝攻之王被殺

### 續明紀事本末 卷十五

七

石城王統錡兵部尙書周損安慶知府傅夢鼎潛山典史傅謙之起兵飛旗寨六安治也王旣起兵損自閩還遂及從子羽儀以卒數百馬千匹至夢鼎當安慶沒走潛山卽起兵於皖潤聞王立以衆會之謙之亦至鄱陽諸生桂蟾又自淮安至故公安貢生某亦至所謂義堂和尙也相與戴王圖恢復洪承疇聞之使降將馬化豹卜從善分道攻之統錡戰敗死諸人亦敗沒

樊山王常聚起兵英山王燮山王翹紙子也張獻忠陷襄陽王得免至是還蘄州與英山男子王六姐同起兵於斗方砦外接潛山太湖司空磐衆築壘居之承疇使馬進忠攻之王及石應璧五人皆被執承疇盡殺之

故涪川知縣王爆起兵於六安州爆及曹允昌起兵破廬州不守與侯應龍張容楊國士諸軍攻霍山不下西入楚境用兵斬黃之間其鋒甚銳隆武永歷帝皆嘉之自知縣晉至兵部尙書總督鳳陽義旅攻於潛山戰於太湖殺傷必相當轉鬪五年始被執俘至江寧不屈而死蓋義師之最久者

義士馮宏圖侯應龍張圖容楊國士起兵於霍山宏圖倡言史可法實未死衆信之集



兵數千攻英山霍山六安皆下之尋爲吳兆勝所破宏圖死之應龍糾衆及萬鏞義勝將軍印佩之合王燿軍攻英山不克返取舒城潛江復自劉家園攻獅子寨及南關拔之屯於管家渡又屯於將軍寨承疇以兵攻之寨破及圖容國士皆被執死無爲吳光二巢縣葉士章和州戴移孝各謀內應事洩光之士章皆死

移孝事詳下

時英山霍山舒城

潛山太湖鳳陽及於河南之光固湖北之羅田義師堡寨不勝數其著者浮山張山橫山飛旗山女兒山等寨凡四十八所是以有洞主寨主之名惜其事不盡詳及張煌言入長江廬和滁六安之間義兵堡寨猶不忘明故魏耕使人英霍圖糾集距南都亡十年矣故皖北義師埒於江浙也

義士徐淮起兵當塗屯於山中聞吳漢超在蕪陽往爲部署攻句容諸縣皆下之後敗沒

副舉人吳應箕起兵池州應箕素義憤聞義兵起書其壁韓亡子房奮秦帝魯連耻大募士卒攻縣城不克同事者亡去應箕獨以計復建德東流與徽州應金聲承制以爲池州推官監紂軍務及聲敗應箕方治兵泥灣飛檄詆譏洪承疇以兵擊之走山中被

續明紀事本末

卷十五

八

獲嘯踞上座衆亦義之不加害將戮於市曰此非死所至松林曰可矣小卒擬以刀叱曰吾頭豈汝可斷耶顧降將黃某曰以此煩公無去吾寇將以就先人於地下也被刑處血漬不衰首入國門三日如生

故知州龐昌允起兵青陽昌允四川西充人南京沒棄官隱九華與邑人孫象壯謀起兵事洩被執至五溪橋扁戶臥明日呼之則已死矣時東流石埭建德間義兵極衆尋俱敗死

諸生吳源長都司方明起兵廣德州源長以太學生舉兵梭子山民人裘君量等破家資之攻拔廣德至湖州戰敗俱死明故屯田都司吳興豪傑起兵據廣德州宗室朱盛濃自金陵至明戴之號召遠近連破孝豐臨安寧國諸邑軍聲大振隆武帝進盛濃王爵擢方明等職張天祿自徽州至明不能禦走浙江王之將佐悉敗死有潘文煥者匿王茅山久之爲曲喜正所洩王被執死逮及文煥顧喜正曰我死何足惜然王一日在人心猶未散鼠子敗吾事奮起批之其子哭文煥曰我死忠汝死孝傳之後世有述焉不然一老氓耳械至南京洪承疇欲降之不可乃殺之其女聞之亦不食死明還長



興爲郭虎所執殺之

諸生吳漢超故職方主事尹民興諸生趙浣初及某起兵涇縣浣初涇人漢超當北都亡卽與其友湯廷鉉起兵赴難宏光帝立乃止及南都沒慨然曰天下事遂已乎謀守甯國無應者乃入涇與民興軍相合洪承疇兵攻之民興多謀漢超善戰砲矢所及殺傷甚衆攻者謂其役不下於江陰旣而城破浣初被殺民興走入閩漢超入華陽山合邱德祖麻三衡潰卒以守當塗徐淮耳其名往爲部署攻句容溧水及溧陽太平皆下漢超曰我兵少聚而城守其何以戰宜四出以誤之此伍員所以疲楚也以故攻城皆不守已襲甯國緣城夜入爲降臣王家梁所潰漢超走免執俘詢之乃知主兵爲漢超以兵圍其室曰不出則族漢超已去懼執其母挺身入曰首事者我也何不殺爲臨刑不屈膝剖其腹胆長三寸妻戚氏及妾痛之隕樓而死諸生某失其名復以兵攻涇縣不克而死

高安王常洪故山東巡撫邱德祖舉人錢文龍諸生麻三衡沈壽彝吳太平等起兵甯國江干東許文珍奉王攻婺源屯於小坑爲攻兵所擊王入嚴杭山卜從善攻之王及續明紀事末本

卷十五

九

于東文珍皆被執洪承疇斬之德祖四川人避亂皖南聞金聲起義及錢龍文麻三衡沈壽彝以兵應德祖軍華陽嶺三衢市稽亭約諸部顏苗王一薊金經萬日吉攻郡城皆起兵者也不克壽彝死德祖保秦守卜從善破之執德祖及其子送南京洪承疇皆磔之事聞贈太子太師吏部尙書三衛工詩酒習武技每戰摧鋒匹馬舞刀當者辟易以衆寡不敵被執賦絕命詩死其六家者諸生吳太平阮恒阮善長劉鼎甲胡天球馮百家並三衛軍所諸七家軍也亦皆敗死右都御史金聲主事江天乙推官溫瓊起兵徽州聲聞池州沒偕其門生江天乙以閏六月朔奉太祖高皇帝像集士民慟哭起兵謂天乙曰徽州險阻獨績溪平坦當孔道宜嚴守乃以重兵扼叢山關自當之其六嶺守以十三副將諸生項遠洪士魁等助之推官溫瓊當官吏潰散歎曰城無主民且自屠盡攝其印集士民慰諭之及聲起轉餉不絕涇縣甯國皆響應聲使通表閩中隆武帝授聲右都御史兵部侍郎總督南直軍務天一畫畫軍事聲布明詔號召遠近拔旌德甯國守之洪承疇使葉臣張天祿來攻聲禦之關外大小十三戰殺傷相當時上下江義師數十萬陸師整者惟聲及江陰閩應元旣而糧匱甯國義軍亦盡天祿以兵



綴聲別購土人自新嶺間道入守者遂潰聲保績溪相持數月降臣黃澍僞稱援兵至聲以其冠髮如故納之澍遂執聲去天乙從之聲曰爾有祖母可無死天乙曰安有同起而不同死者乎拜其家廟呼於途曰我金翰林參軍也聲至南京館之有加禮聲呼洪承疇曰豈有受恩如爾而忍降者天乙朗誦莊烈帝祭文以辱之多鐸絕重聲承疇承其旨諷使爲僧聲曰何以爲忠臣承疇曰火性未除乃殺之臨刑復使人與耳語天乙大呼曰流芳百世遺臭萬年此一息也刑者怒斷其舌罵益厲遂死聲弟經及總兵范雲龍守旌德亦死聲之死也僅截其喉僧海明斂其屍守者呵之不爲動卒載之歸賈客齋倫閩人也泣曰此棺惡不足以奉公以所藏百金之棺改斂之於是天乙之弟江孟卿吳國楨陳際遇萬全余元英陳有英皆死瑣猶守徽州府黃澍復誘其衆叛之瑣走村舍刃其長女語妻茅氏偕死茅取幼子匿之乃振衣臥瑣刃其喉俄曰未也再刃乃絕瑣刃不殊絕粒五日以手自決其創死黃唐者州之武解元也連鐵鞭重數十斤率鄉民十九戰皆捷嘗被圍鞭折策馬馬跪唐怒殺馬步鬥殺一人以出後爲僧崇陽王某諸生項遠洪士魁副將羅騰蛟閩士英洪以玉起兵於歙縣崇陽攻歙城不

續明紀事本末 卷十五

十

克及閩士英鄴鴻遠皆被執死遠四人亦先後死

同知林佳鼎起兵婺源與金聲不合別屬黃道周後死粵難

義士趙立言起兵休甯戰敗以餘軍棲山中約李國楨共取江山元日立言以三百人入江山城國楨失期不至江西兵至立言獨戰殺數十人馬蹶墮水死其子憤恨國楨將往手刃之被執而死

總兵李某諸生顧杲張文龍布衣王謀故曹州知州巢之梁及朱某起兵常州諸生吳福之任蓬源徐安遠與李應蓬源出入義兵間歎曰盡兒戲者然不肯去李及洪承疇部戰累三月乃潰自刎以死福之書其襟曰我生不辰羅此兵燹從卒勤王誓死不二再舉再克全軍失利公旣成仁我亦取義不揣小子敢附斯義自沈於湖死福之吳鍾諱之子也鍾繼從王舟山福之抗節江上著一門忠義云蓬源被執不跪語漂陽令曰若非明臣乎見我不愧而辱我乎請速死遂殺之安遠武進人亦不屈死妻楊氏妾蕙香殉之諸生顧杲無錫人實故光祿寺卿憲成之猶子又爲留都防亂揭者也方起兵奸人王如玉顧君起方抱民冊降杲使執之二人急反呼砂山人曰此賊也速殺之



吳倉卒不得明遂死砂山人大悔立祠祀之張龍文亦郡人亦起兵謀取州城敗死王謀亦郡人精卜筮謀起兵筮之不吉再筮益凶投其著出呼兵攻州城以葦火之垂克矣守者曰此鄉團耳斬一人首擲空中鄉兵皆潰謀被執自稱前鋒嚴鞠之則大罵下獄久之獄囚盡逸謀獨不去遂死之梁亦郡人歸里起兵父子皆死朱某亦死

中書舍人慮象觀起兵宜興象觀起甲科武健有材力南都沒遇宗室王盛瀝於西湖相持入于忠肅公廟慟哭起兵還居茅山句容溧水之間皆響應以故將陳坦公爲帥進攻宜興獨以三十騎入坦公大驚馳救之象觀方被圍曲巷中額中二矢搏鬪甚急坦公大呼腋之出乘以己馬步鬪以拒追者止於橋上連殺數人衆莫敢逼繞道襲之坦公戰死象觀復合樂安王攻江甯有朱君兆者奇士也語象觀曰金陵城大難攻守者又四屯我軍危矣請入城結內應以火爲期使僧往定約僧告洪疇舉火誑之象觀軍至神策門騎兵突出義兵敗績象觀盛瀝匿水竇中免還至宜興收散軍稍稍振攻溧陽不克王就方明於廣德州象觀入太湖依王期昇曰宜興不足爲不若取湖州及葛麟敗象觀斷維曰誓死於此攻者旣逼象觀起拜其卒曰吾兄弟受恩無以報空

續明紀事本末 卷十五

頰公等死有餘責遽躍入水其衆援之曰愛我者不如成我義也因自沈總兵毛重泰等皆死象觀兄象昇戰死眞定弟象晉以國變去爲僧從弟象同及諸子姪先後死者以百計蓋合門殉國矣

典史陳遇明主簿閻應元諸生許大用黃毓祺等起兵江陰降人方某來知江陰縣促民去髮大用呼於明倫堂頭可斷髮不可去相與設太祖位慟哭起兵遠近相應執方囚之殺降將陳端之推明遇城守邵康公爲將黃明裂弓弩救陳端之子使作火藥降盜王良以衆至盡殺之降將李成棟至康公戰卻鄉兵遂潰召砂兵擊之亦潰明遇乃舉應元曰閻公智勇我不如也馳騎迎之應元與約曰今日之事非有所強若聽吾令則可不然不能則皆諾以家丁四十人人問餉有徽人陳璧請獻三萬六千金問軍實曰兵備所製者固在發之得大炮佛狼機及鉛彈千火藥三百囊乃葺圍堞分門守居堞一大旗銃磚石瓦木如數積使督者壞牆署以俱用置飯漿中以禦風熱油與扇以投敵使號於城曰輸不必金芻粟餽焦皆可也人不可叛身家忠義在是也成棟登君







王春等十四人來襲被執見知縣劉景倬不跪叱爲降臣景倬好語之復斥其罪曰汝以進士官兩司降而爲令猶曰不得已天壤甚寬何至含羞苟活貽玷青史哉明年戮死十四人亦死毓祺子大港大洪當毓遠匿時兄弟爭死各配職功臣家衆以金贖之教授以終有歸妻者不知何許人入城自擲死周相公者通州諸生也與毓祺同執至南京死隆武帝聞之語人曰我子孫遇江陰人雖三尺童子亦當加敬也

諸生王聖風徐珩起兵於吳縣北都甫陷聖風珩相率起兵宏光嗣立下詔禁草澤勒王聖風等皆罷

貢生朱集璜參將陳宏勳游擊孫志伊知縣楊永言舉人周寶瑜貢生陳大任諸生吳其沆陶城歸莊顧炎武起兵崑山典史閻茂才降璜及寶瑜城大任斬之迎故總兵王佐才爲帥馬喇希恩格圖攻之佐才死詳不集璜被執大罵與門生孫道民張謙抗節死寶瑜及妻及諸子朝鑑鑄妻王氏皆不屈死大任首倡迎佐才捐己室爲帥府事敗及妻張氏子思翰皆死城居鷄鳴埭率鄉兵入援不及自縊死宏勳志伊永年其沆莊炎武各以壯士數百人傳檄起兵別奉故撫王永祚主軍事而與集璜兵相應宏勳以舟續明紀事本末 卷十五

師戰志伊陣死宏勳後亦死永言去爲僧卒於雲南其沆戰死莊亦爲僧矣武得脫以母在不死其母實以貞烈荷旌表曰吾雖婦人受國恩矣卒死之而戒子孫母事二姓故炎武終身不肯仕其以守禦死者蘇達道莊萬桂陸世鑰陸雲將歸之甲周復培陸彥沖徐名洛徐激王其中吳行貞十餘人彥沖以代父死沈憲徵朱國試以救母死而故將王揚者年七十矣奮兵死鬪力竭而死貢生陶某方以鄉兵至聞城破曰集璜死矣吾後之乎歸而自縊編修朱天麟亦起兵後爲永歷帝相皆崑山人也總兵王佐才起兵福山值朱集璜請爲帥入守崑山李成棟來攻佐才使孫志伊擊之力戰而死成棟以礮裂西門入佐才令啟門縱居人出冠帶坐堂上兵至死之闔室皆殉

中山王徐宏基起兵吳江宏基與立福王而嫉馬士英避地吳江袁士奇家使其子襲爵南都沒策勸匡復樹旗召募得數千人以索餉故陸醇儒憤之結潰將田勝嘉攻士奇室盡殺之引基奪門出將走分湖之葉氏葉氏縛之卑醇儒擄襲殺之子文爵年十五登屋四射連殺三人乃死勝嘉更嫉袁氏徐氏及縉紳之避兵者沈其尸於湖永歷中賜洪基諡壯武從子仁壽與起兵後從魯王封定江伯扈王入海尋從張名振攻崇



明戰死

左通政司侯炯曾進士黃口耀義士許士龍起兵嘉定李成紳入嘉定大肆淫掠逼人去髮士龍首困其孥於新涇斬其部梁得勝獲級八十四龍亦戰死成棟泣且懼夜不敢寢使其弟以驍騎四十告急於婁東鄉兵截之倉橋鎮殺幾盡其脫歸者泣曰吾徒高鎮之健卒也何物輩定人殺我副將六幾日無救生蹤絕矣然鄉兵皆烏合成棟騎卒射之潰成棟攻羅店鎮陷之城中少年亦殺降校須徵明口耀方謀起義兵聞之曰今同騎虎無主必亂使迎炯曾入分門設守以原任儒學霍達知縣事兵餉皆缺徒以忠義相磨激東至吳淞西及太倉皆響應成棟大修攻具口耀炯曾乞師於吳志葵守備蔡喬以贏卒至口耀疑之弗納明日戰盡潰惟喬特健挺身決鬪被圍數重義兵徐福援之皆死口耀炯曾望之泣亟發巨炮殺二人成棟焚新涇破壞塘埔道太倉口耀炯曾會鄉兵於磚橋衆至十萬擁逼有聲衆知非策成棟分擊之自相踐踏諸生杭文若馳之殺數人死諸生徐文蔚亦力戰死鄉兵盡潰成棟檄降不聽惟運磚石誓城守礮矢雨擊不少避成棟爲熬翻諸生馬調元卻之已陽攻東關而斬水門入亦爲守者

續明紀事本末 卷十五

十四

所拒大雨城潰以木支之明日益潰守者立霖中目且溘乃稍稍去諸生諭之不止成棟兵遂入炯曾巷戰衆擁之去歎曰城亡與亡痛問此民耳揮其子元祿元洪走兩人固首謀起兵者不從叱之乃慟哭相抱入水死炯曾自溺使人按之成棟兵至斬其首懸之鬚髮皆潰生氣猶赫諸生金某匿而葬之口耀聞城破語其弟淵耀曰吾了紗帽事淵耀曰吾亦了秀才事與縉寺中題曰讀書寡益學道無成耿耿不寐此心而已舉人張錫肩預書於裙曰我生不辰僑寓茲里路遠宗親涉隔同氣城亡與亡死亦爲義後之君子不我遺棄驅家人同溺死教諭龔用員與其兄用廣弟用厚曰祖宗清白歷三世矣今日圖存何面目見於地下相攜溺死鄉紳李廉貢生王雲程諸生馬調元唐全昌夏雲蛟皆死唐培率鄉兵巷戰死朱霞被創死唐景耀大書白牌諭李成棟被磔死成棟屠嘉定尋以降將徐元吉言欲再屠之義民劉敖王襄樵牛起誓不反願殺驍將於薛市門成棟夜襲破之義民孫小溪守南橋父子皆死諸生朱宗恂以護髮梟示於東門妻復文被縛並妻子及娣及外甥皆死

諸生王澁起兵太倉澁故大姓聞雍髮令語其兄口曰誓與存亡可也招里人陳說大



義至於泣下衆曰公將若何湛曰守吏劫吾民以兵逐之無不破者少年從之數百人  
湛及魏虎臣蔡仲昭督攻城守者曰此烏合炮擊之衆皆伏昭曰知兵者禁城中舉火  
斷內應相持數日湛復攻之呼噪欲上及半飢疲解衣少憩騎兵突出遂大潰湛見口  
赴水死湛斫一騎未及虎臣仲昭皆死

諸生項志審及某某起兵常熟推原任知州嚴斌任城守俄總兵何沂秦宗室王某至  
斌卽遁去成棟兵至沂亦遁去某某猶力戰於華蕩親事矢石卒敗盡志寧方食餅墮  
地扼吭而死

吏部郎中錢棟起兵於震澤棟大學士士丹子也屠象美起兵棟毀家犒其士象美死  
棟復集兵起李成棟來攻棟與戰親身搏鬪退至震澤之東兵反戰射中棟喉墮水死  
同時死者前遼東守備項嘉謨及妾二子赴天星河死諸生張翹振衣冠南面而坐大  
罵死錢應鑿堅不去髮死錢澄之妻方氏抱幼女自沈死

松江知府陳亨禮部侍郎徐人龍主事雷續祚起兵松江北都急南京諸臣議勤王人  
龍卽傳檄起兵宏光帝立禁諸義旅人龍乃罷續祚兵亦以詔罷續祚且死於馬阮見前

續明紀事本末 卷十五

十五

亨聞報帝立卽議兵食募士卒使之入衛亦以詔罷

故兩廣總督沈猶龍起兵華亭時蘇常潰吳志葵走太湖黃蜚與合招撫令至世襲指  
揮常某降大括財物郡人殺之推猶龍起兵乃與中書舍人李好問故羅源知縣章簡  
募兵城守結蜚志葵於春申浦潮落風烈火矢射之數百艘立燼舉人傅凝之死之遂  
圍城降人董廷對將內應郡人磔之勒克德潭使其軍僞張黃蜚職猶龍納之遺露瓣  
髮守者驚潰猶龍中流矢死好問守東門簡守南門皆死致諭睦永明題詩明倫堂自  
縊死尙寶寺丞徐念祖及妻張氏陸氏皆自縊死諸生戴泓赴水死衣工陸厚元積薪  
與妻及子女皆自焚死

給事中陳子龍主事夏允彝起兵於其鄉子龍聞北都急與中書舍人宋徵璧召募勤  
王宏光帝立子龍勸親征以水師不足恃與松江知縣錢世貴在籍主事何剛舉人徐  
孚遠李素廩生張密分司措餉召募得沙船二十有五材官水卒千餘人又使中書舍  
人董庭都司李時舉諸生唐侯爲火藥甲裳馳疏以告及朝事日非抗疏求去松江旣  
陷允彝徘徊鄉邑欲有爲先投書安撫使言金立張邦昌劉豫及元官東南者之狀請



以淮爲界存明祀歲輸金幣不報子龍設太祖高皇帝像慷慨誓師自稱監軍允彝與合閩吳志葵在太湖往結之使以舟師取蘇州以子龍及巡撫王爾瑞兵備道李向中聯浙東并力守別約張士儀荆本徹於海口合句容溧水溧陽宜興兵攻南京馳檄九江江北諸降將使反正期克蘇州則大舉志葵攻盤門敗績其衆欲散允彝拜之乃少止旣而盡遺子龍以祖母故匿山中允彝走免有勸入閩中者曰我昔吏閩入郡戴我往圖再舉善矣然一不當避而求生何以信後不如死也聞黃道周徐汧皆死欲自縊兄使爲僧曰是求活耳作絕命詞自沈屍浮而出衣帶弗濡越三日監國魯王以翰林學士詔至則旣斂矣使者哭而去子龍尋及戴之雋楊廷樞說吳兆勝使反正事洩諸生夏之旭奔告子龍使走嘉定匿於侯岐曾家己之顧咸正所捕者知之以兵圍咸正家執子龍去亦執岐曾子龍入水死猶戮其屍其祖母及母自沈死其子五歲亦坐死廷樞入鄧尉山中以遙應監國魯王於海中授翰林兼兵科結事中亦被執有欲生之者使去髮曰斫頭小雍髮事大也乃擁出廷樞題書血衣及詩二章與其孤首曰蘇州有明遺士楊廷樞云臨刑曰生爲大明人刑者急斬之首墮而呼曰死爲大明鬼聞

續明紀事本末

卷十五

十六

者駭愕妻費氏女觀慧適張氏皆先死之雋被逮嘯然曰吾素慕文信國之爲人慷慨而死之旭允彝兄也自縊於文廟顧子旁咸正及子天達天遴皆被逮責洪承疇曰汝知洪承疇史可法存乎死乎父子皆被殺允彝子完口年十二擬康信大哀賦詞藻橫逸時方拜疏通海中以子龍故下獄賦絕命詩遺母及婦臨刑神色不變年纔十八云岐曾嗣曾弟徐爾毅石祺之子錢枬棟之從兄皆與斯役者並被執無撓詞死爾毅妻孫氏枬妻徐氏殉之岐曾二子及妻妾皆死其僕僉兄朱三鮑超陸二李愛五人亦死蓋合門殉義云之雋及中書殷之輅張寬十餘人亦以是獄死

指揮侯承祖總兵李君禧諸生熊飛遠起兵金山承祖聞松江兵起往請之吳志葵憤之恚曰郡城由總兵承祖自與金山存亡耳歸集衆守及志葵敗或以兵來攻承祖坐陣間親當矢石緣而上者手刃之屢進屢卻卒不能克及江陰破李成棟來攻以小舟壘城下蟻附而登奸人應之遂破承祖以親兵巷戰身中四十矢至於衆盡乃被執大罵成棟而死當巷戰時其子世祿鬪銳旣被執或說之降曰吾家世食祿二百八十年今日不當以死報國乎至文廟前曰此吾死所望先師再拜飲刃死飛遠兄弟負齊



力聚衆應吳易以重午會飲爲攻者所襲其將羅騰蛟力戰死明日飛遠襲金山與城中義民約墨其鼻爲識飛遠先戰敗而走內應者不知旣死鼻猶望云君禧亦起兵於金山衛不克入閩官至總兵以兵屯台州之海門監國魯王以君禧夙將使偕張廷綬共守之廷綬讓君禧凡署銜必使居己右君禧謂己爲客將事必咨廷綬而後行博托兵至君禧語廷綬偕死廷綬從之君禧散其軍袍笏坐營門與廷綬皆被執論降不屈殺之

把總吳之蕃起兵江東江東在金山間之蕃以父死流賊自謂忠孝之門聞百戶某降曰奴婢皆世職何易降也大明兵至當寸磔以八月起兵降將喻嘉猷聞之懼激怒其部使力戰首燔其舟之蕃衆潰乃慟哭曰我父子死職也然殫心力僅得起兵不戰而潰死不瞑矣援槍突鬪奸民汪三擁之河乃被執困辱無狀之蕃不屈嘉猷罵之之蕃笑曰奴婢自謂得福權滅門不久矣願降者徐元吉曰我父子忠節汝逆賊敢面目向我元吉以穢塞其口大罵而死

諸生陸世鑰副總兵魯之瑛游擊韋武韜諸生朱日徐雲龍起兵太湖卅鑰以資雄里

續明紀事本末

卷十五

十七

中南都陷卽募兵保鄉里之瑛以舟入太湖卅鑰與結吳易諸人皆從之進攻蘇州城中纔千騎降臣李延齡王國寶屯學宮登塔以望外師之瑛兵斬關入行里許不見敵因俘掠延齡揮騎突擊之前鋒崩潰爭奪門出伏兵夾擊死者千計之瑛及勇士韋志斌徐伯舍三百人皆戰死卅鑰走入湖憤義軍多焚敗獨出其財以餉士有掠一錢者斬軍號嚴謚及易敗卅鑰走爲僧武韜與瑛偕起兵卒以戰死日聞吳志葵敗憤然曰吾祖昔忠於建文帝今我舉義死亦生也拜其母走湖中說黃蜚不應廳書志葵亦不應乃偕徐雲龍起兵於太湖之西山突入胥門王國寶騎斷之雲龍斬甲走且及徐君達僧項缸景嶮皆力戰死

太僕寺卿吳易舉人孫兆奎諸生華京趙汝珪周天舍等起兵長白蕩吳江縣丞朱國治迎降諸生吳鑑欲誅之徒手無所得遂入縣庭痛詈之國治執送蘇州訊所使曰孔子孟子唯陽平原也殺於胥門易聞而悲之率衆殺國治俾鑑父以祭遂起兵僅周天舍等二十八七日乃三百人爲舟三十京汝珪兵亦起易合之可千餘人擊巨盜沈鏞降之得其兵千七百人爲七十艘屯於長白蕩諸生沈士欽固爲漁舟千匿湖中自徵



牽其弟舍人自炳誅生自炳統之易與之合而吳江孫兆奎亦散財募士旬日得三千人或說之曰江南恃水戰今湖山皆失而妄圖乎兆奎曰我豈不知顧有明養士三百人一旦至此我欲殉之鼓士氣耳卒起師與易合大盜李九成掠蘇松易兆奎斬之得舟千脫婦女無算隆武帝以易爲兵部右侍郎總督江南軍事尋進易尙書封忠義伯監國魯王復授易長興伯亦晉兆奎職攻兵至兆奎以火槍勝之遺書結黃蜚而蜚已覆於是江寧已南錢塘已北義師數十起惟易兆奎軍久在蓋兩軍精整也降將李遇春兵大至易偏拜諸軍使僞爲田者獵舟湖畔夜半猝起長戈刺之兵應手死遇春遁去已入吳江殺降令吳兆勝追之已在湖中矣兆勝再至易伏兵葦中而散舟湖心以誘之攻者駛逐則四走俄而盡合礮矢雨擊兆勝棄舟走易軍水陸逐之殺獲千計兆勝大沮已率二千人至兆奎又敗之易爲黨人以誘射度其矢盡鏡注之葦舟二十勝又大潰博托李成棟擁軍至盡填港汊斷易走軍中大震有使兆奎遁者曰今四圍盡敵走亦奚之事之不濟我將橫尸水上豈伏竄海洋求活乎大雨數日弓弦解膠火藥亦濕博托使諸軍急攻之王國寶先捕諸生王伯時及文震孟子殺之絕易應且陰使

續明紀事本末

卷十五

十八

人入易軍易督兵力戰自辰至申國寶所使者反戈鬪易遂大潰墮於水其從子見之繫諸舵以走已而出之未死也問衆幾何曰餘百人曰速反攻必勝之復斬成棟卒大得輜重而還戰方急易父承緒妻沈氏及女皆入水死華京趙汝珪沈自炳沈自炳皆戰死易部將茹略文手殺數十人兵刃其首仆少甦捧之以走廟祝療之愈略文始從徐雲龍破長興屢戰有功易請爲總兵卒從軍於麻湖後詳力戰死周志韜衝圍出收衆自保魯王以爲參將久之兵敗赴水死兆奎戰敗視妻女皆死乃走遂被執至江寧問洪承疇有經略死松山先帝躬爲文祭之今一耶二耶承疇曰咄女自了事耳使速殺之易居湖中久之吳江人周瑞復起兵屯於四保匯吳兆勝攻之大敗死者七八百軍聲大振遣使迎易未幾而敗易瑞如嘉善將謀諸孫璋猝被執於草橋門兩人皆死易子復以潰衆徇嘉善被執送杭州死孫璋父子亦死平敵將軍張士鳳大學士國維子也亦坐易事死

諸生朱某起兵南潯朱國楨之孫也聞吳易死更以兵起南潯有衆數千出沒吳淞潯澱間後轉戰白龍橋被執不屈死其友取其屍棺而封其喉斂之國楨妻見之一痛而



絕已晝夜哭腸斷以死時南都亡六年矣蘇松義旅皆盡朱猶仗節焉義士吳景夏中書舍人葛麟起兵西山景夏吳人及王期昇先麟起奉通城王盛瀝克長興麟亦佐吳志葵軍克青浦志葵被執餘卒共奉麟就期昇軍未幾虛象觀至曰宜興不足圖也乃分路取湖州期昇以派俞奇虐居人怨激導吳兆勝攻之期昇遁去象觀被圍急麟望火光亟往救或止之麟曰臨難不救如同盟何以三舟衝而進攻兵皆曰肥而長者葛中書也聚射之麟揮其矛聲若風矢悉入水乃更以火攻舟焦麟自沈死前鋒毛重泰亦死麟有文武才累於期昇而敗人重惜之時太湖義師特崇麟及吳易最知名其他主事楊謨倪曼倩監軍道朱世昌安撫使許耕奇徐道明同知吳任蘭通判馮時敏評事馮一鷹及徐孚遠周毓祥支茂瓊王紹鯤沈泮武臣鎮南伯令公玉總兵陳槐沈茂汪欲德王元震史宏弼田希成毛濟宇徐雲從副將施子昭徐大定曹辰沈君晦參將李世忠皆不屈死主事刺木徹總兵張士儀都御史沈廷揚起兵崇明地在海中南都甫沒知縣卽遁木徹等卽起稱四會營奉義陽王爲主江南義旅此爲最先李成棟來攻本徹拒之總兵李守庫戰死徐君美被擒成棟圍之急監軍道王脩臣叛降城遂破

續明紀事本末 卷十五

十九

本徹廷揚皆入浙屯於小沙江上潰本徹走舟山黃斌卿忌其軍善射殺之及其子元相百口俱盡廷揚受監國魯王令典軍事及吳兆勝謀爲明遣使來結廷揚躍然曰此機不可失也與張名振馮京第徐孚遠張煌言共應之廷揚部舟百進將先取崇明比至颶風大作追兵又至名振等雜火卒去

見浙海遺兵

廷揚轉鬪四晝夜抵福山次鹿苑風

又大作廷揚舟膠不能去嘆曰豈天意耶然死無名呼游騎曰吾都御史也及南京洪承疇欲生之廷揚曰經略死松山久矣安在有其人再用周亮工說之廷揚曰母多言今日非死不足以塞責遂及猶子元泰贊畫主事沈始元總兵蔡德游擊蔡耀戴啟施榮劉金城翁彪朱斌林樹守備畢定義陳邦定及其從子中皆死廷揚妾張氏奔視含斂哀動行路歸卽縊死廷揚親軍六百斬於蘇之婁門每殺一人願曰降否比至於盡無一應者人比諸田橫之士舟山人聞之哭聲如雷卽地祠之士儀故史可法部與貢五常張鵬翼各屯兵於崇明與本徹相依輔後亦敗死

翰林屠象美諸生鄭宗彝起兵嘉興嘉興民不去其髮殺降令胡之臣聞象美謀起兵奉以爲主故將陳梧總軍事吏部尙書徐石麒曰我大臣也城亡與亡馳赴之然並文



臣不知兵將某以百騎至梧使副將朱大定擊之三磨寺兵出其後義師遂敗水軍旋敗於麻雀墩他諸義軍不得主名者亦敗於油車又敗於石灰橋象美爲亂民所殺宗彝大呼於市復得千人守硤石衆畏派餉導攻兵破之梧走平湖宗彝蹈海死妻卜氏妾衣朱衣紫者皆縊死弟官錡力戰死導兵者亦被屠石麒麟方出城召募聞事急曰吾大臣不可以縊死縊而上老僕徐成先徐錦吐其篋主石麒麟朝服縊僧愛實藏其尸櫃中旬乃斂顏色如生成錦及祖敏李升皆殉之

御史馮京第諸生嚴啓隆戴重及王元震起兵湖州京第戰敗走依黃斌卿勸取浙江不聽以日本強思說之主長嘯響應再四不從乃歸爲文誌之尋赴王翊軍以杜壘險壘之令嚴無或鈔掠者號馮家軍與翊齊名翊敗京第匿民間及翊再至再就之大蘭陷京第居灌頂王昇叛執之送甯波諭降不從死之重和州人僑寓潘園墳所啓隆蹶起兵乃相與計自爲一軍及王元震等盟於後林與錢棧等胥會於象江富人董心葵餉以數十萬金重將使韓繹祖出長興廣德取太平黃晝出京口襲南京已出後林與江東義旅合李成棟攻之元震以烏鎗兵戰少斬獲俄大風舟楫皆拔重勸謂元震曰

續明紀事本末 卷十五

二十一

天若此復何望乎將再舉成棟兵已至三射之皆不中元震掉小舟戰重啓隆繼之俄被矢洞腹按之而走啓隆亦創乃皆走元震被執至死不舉主兵者名故啟隆等得免重創裂不死歸和州以僧自免聞四方義旅破輒悲惋遂絕食死元震卒抗節死

總兵茅瀚起兵於歸安江上潰義兵掠而食民呼爲白頭兵瀚及汪涵以五百人從黃宗義入甯波山中圖後舉屯於錫杖寺宗義戒無妄動山中人苦輸餼夜燒其寺瀚及汪涵皆死五百人無免者或曰瀚涵以縱掠死或謂偵者實襲之蓋以焚寺爲實云

游擊趙毅起兵於平湖毅起布衣携數人仗劍從江上軍材武健絕居恒有百足蟲隨之雖遠必至故呼爲趙百足既起兵擢令職已而出戰飛砲去其首猶不仆策馬縱劍力鬥不止當者駭愕爲少卻毅軍騎逐及數里馬蹶而墮乃仆地死有吳伯訥者里居官職不能定江上師起助軍教戰於倉頭不知所終

副將姚志倬參將方元章士人金有鑑前臨清知州金堡及韓繹祖徐昌明起兵長興志倬元章共起兵以饒塘人張起芳爲將攻下餘杭守分水復昌化與江東之軍遙相應金堡入閩奏其功隆武帝封志倬爲仁武伯旣而餘杭陷志倬走於潛元章戰死明



年志倬以兵攻江山不克進屯括蒼山中旋出懷玉其兄志元被執曰倬已降王軍事者我也被殺志倬得脫依唐兆恒於江西與破永豐往來無定嗣以兵會張煌言於定海從戰於崇明沙大破諸降軍又從入長江力攻崇明臨陣被殺起芬被執至杭州懸之樹間射殺之素不知書忽爲句曰頭能歷鐵身方顯死不封泥骨亦香有鑑饒膂力率里人許陞沈磊金艷色沈士宏奉通城王盛激起兵自爲總兵進攻湖州克之屯軍旬日得士萬人進攻長興不克吏員王士麟以兵會之士麟亦起兵者再攻再敗士麟戰死有鑑戰呂山王使金拱宇毛蜚卿兵二千往助之又使總兵賈應龍楊象觀吳永泰參將金筠鹿兵皆與合復大敗至梅溪聞王弟盛滌被圍急有鑑單騎突援之身中七矢遂以健卒數人走宜興山中與岑元泰扼寨守二擊攻兵勝之已攻長興有鑑元泰俱陷陣死繹祖聚衆千人亦奉通城王會戴重於湖中已而敗沒有徐昌明者初入盧象觀軍中象觀敗奔四安山中聞有鑑至引兵會之死於長興之西門

都察院左都御史劉宗周起兵紹興京師陷宗周徒步荷戈詣杭州以發喪討賊責巡撫黃鳴駿曰哀詔未至宗周勃然曰變出非常公專閫不泣血枕戈而以靜鎮飾退避

續明紀事本末 卷十五

二十一

耶明日復趣之曰必哀詔至乃可以發喪宗周曰此時何從有哀詔問師期曰甲仗未備宗周曰是烏可爲乃與朱大典章正宸熊汝霖召集義旅將發而宏光帝以官召之大典正宸汝霖各授官值馬阮爲政宗周抗疏不納遂歸及南都陷宗周與祁彪佳熊汝霖再起兵謀以羅木營守獨松奉潞王爲主潞王決計降固請不許宗周乃東及紹興破彪佳死痛哭之曰北都之變可以死可以無死冀中興也南都之變可以無死帝自棄國有繼起者也今往矣老臣不死將何俟乎若曰身不在位不當與土亡乎此江萬里所以死也出拜祖墓躍西洋港舟人出之絕粒十三日不死其後勺水不入者又十三日與門人問答如平時卒以餓死

故知府于穎諸生邵鳴孫總兵萬良沈羽箴副將劉穆諸生李桐及劉翼明褚九如起兵山陰先使徐允升募師金華夏四敷募舟於海口值高起潛以部至留之不可得其將余應元千餘人再使指揮朱壽宜朱兆憲出募兵值王之仁鄭道謙使來引軍會之城中驪叫前副將劉種兵五百參將郭維翰都司金祐守備許耀融合兵亦五百前指揮武經國兵六百前太僕卿方燿職方主事來集之兵亦至諸人皆起兵者遂狗齋山



執降令陳瀛及招撫使鳴鼓誓師大集於都亭卽夕趨固陵諸生莊敬卽以百舟逐滿洲兵在西岸者不及知穎麗其軍進武生沈振東導之盡獲西舟歸死錢塘乃可守使潞山民團五百人佐以鄧文明任朝晉張洪兆軍劃江以守浙中義旅雖盛非穎首扼江奪敵舟紹興之衆無以立故穎功在諸人上其後屢與博托勒克德渾張存仁兵戰移於漁浦應乎長興而其時以方國安王之仁爲正軍孫嘉績熊汝霖章正宸鄭道謙錢肅樂沈文光爲義兵陳潛夫黃崇義諸人別自爲軍兵餉交訂穎力劑之之仁惡甚嘗劍擬之尋使屯三江口連疏告急不得已休者三亦不許方國安遁穎欲扈從而無舟乃黃冠還京口卒諸生祁鴻孫亦起兵於山陰鴻孫佳彪之從子也江東師起鴻孫屯江上佳彪子理孫班孫錫贊餉之與黃宗義世忠營相結事敗鴻孫走死孫萬良沈羽箴亦山陰籍起兵與江上之役萬良尤能軍復餘杭攻德清將自海甯繞道攻杭州不克部將徐達龍戰死萬良守德清勒克德渾兵圍之萬良告急監國魯王方檄兵拒隆武帝熊汝霖張鵬翼孫夷皆請救萬良不聽俄江上潰萬良羽箴皆抗節死穆亦起兵於山陰修障工騎善大刀家貧愛士寬而有義史可法重之擢今職南都敗歸里與

續明紀事本末 卷十五

二十一

鄭遵謙于穎謀恢復聞方國安自甯國廣德掠入浙身往撫之募軍五百爲監國守潭頭封威北伯受王之仁節度子肇勳以游擊從次子肇勳尤驍勇善槍槊江上之戰騎於清風嶺刺殺數百人矢盡控弦作聲皆反走後騎益集發矢射之不仆勳三號之上則已死矣諸軍奪氣穆得其尸抽矢出鏃至斗許乃歸葬之同死者王尤賢陸建燮印玉及壯士揀吏數十人監國航海穆一夕暴卒目不瞑肇勳率諸弟跪刺腹爲盡忠報國字目乃瞑故應天巡撫祁彪佳亦謀起兵無應之者及紹興陷博托幣禮之彪佳給其孥宮入城辭或得允行至寓園飲其友所夜書其几曰棺寄鼓山可歛我投梅花閣淺水中端坐死諸生李桐遣其子文景從江上軍及紹興沒哭曰吾必死矣遂卒文景及弟文昱葬父訖墨經赴海上舟山之役屬監國出皆溺死劉翼明名光卅亦山陰人佐王翊起兵初入山過褚九如與語達旦九如已起兵乃盡舉而屬之曰劉將軍勇無敵第聽約束必有功翼明得展統其千人屯嵎縣之東坑及陳天樞拔新昌傷翼明使無死自入城計軍事義兵始憚戰翼明鼓舞訓練不旬月遂精健一日平且衝攻兵壘進衆訝其行列異嗜昔知劉大刀在遂自潰居恒以威信感士卒無或敢一入民舍



者將去民諒挽之曰他將至吾輩必困矣金礦田雄等大舉攻大嵐王翊以西事付翼明將自東陽義烏合金華衢州嚴州豪傑順流趨錢塘而九如從弟名素先盡劫翊餉金降衆心遂潰翼明間行得亡去九如逃入天台爲道士氣結而死

裨將陳國寶起兵於山中父事劉翼明日夕侍臥內戰則率其屬齊致死當就糧於王朝先有強刈其麥者朝先使來詰語不合國寶抽刃前曰誰謂我公盜麥者國寶詰當之平西無待人禮豈能國乎使者遁及師潰翼明先使國寶行國寶泣揮淚翼明登山送之見國寶行數里猶數數顧也及王翊死國寶不能忍復以數十人起被執死之

威武將軍王善長起兵於會稽山善長有絕力爲鄭遵謙將及敗歸里王翊陳天樞起善長亦糾驍勇數百人往來山海之間戰輒陷陣田雄等避之遣使誘降善長曰吾謀興復豈以建義博一官哉舟山破義師盡善長爲人所捕拳仆數十人卒自就獄詎守者曰吾數月人山中有金當共醉飽陰使壞草舟於稽山門而醉典獄卒縛之呼衆先出已殿之乘城投草舟航海走去追騎四出不能及遂從張名振軍戰於崇明復大捷旋卒

續明紀事本末 卷十五

諸生鄭遵謙御史章正宸諸生沈光文舉人張煌言及章欽臣陳天樞王化龍起兵於會稽遵謙聞杭州沒決志起兵父之尹屢止之不可與劉翼明等會於水神廟衆皆哭遂殺招撫使及降人張懷彭萬里取庫兵以給士通表魯王浙東義旅遵謙實首倡之當起事時遵謙戎服坐堂上召吏部尙書商周祚以下皆皂衣白角門入遵謙立與語及起兵事咸惴伏莫敢正視士民聚轅門呼鄭將軍有受重祿持貳議者斬之襍旗而起孫嘉績熊汝霖便亦至與于穎納沈滌東策盡驅西岸舟東紹興以立授興義將軍屯軍小壘苦不知兵方國安王之仁又困之又不得食及江上潰之尹死之遵謙以賞重入於海嘗興義侯鄭綵之殺熊汝霖入海死妾金東彞像綵每饋哭斬之亦自沈死鄭之斷眷無害我志乞雞黍與汝霖畢入海死妾金東彞像綵每饋哭斬之亦自沈死正宸與劉宗周起兵以宏光帝召之官屢抗疏爭大計阨於馬阮不能用及紹興沒正宸在籍復起兵所謂六家軍也江上潰正宸去爲僧文光起兵授太常博士師潰崎嶇海上浮入長垣再與琅江諸軍事擢工部郎中魯王敗入浙文光不及扈聞粵中立乃之肇慶授太僕寺少卿尋自潮陽入金門或以書幣招之降文光焚書返其幣及朱成



功入台灣文光依之歷經及堯凡三世爲詩文狀台灣特詳及台灣降文光已爲僧姚  
啟聖重禮之尋卒張煌言鄞縣人錢肅樂師起煌言卽至肅樂臺而泣使之天台迎魯  
王授行人知制誥屢有建白江上師潰將走舟山與富平將軍張名振遇遂從之扈監  
國降人某執煌言父使招之煌言復書請有子如李通勿爲徐庶異日必爲趙苞以自  
贖父亦曰毋以我爲念煌言知朱成功不樂事監國語名振旋浙江尋及名振攻崇明  
被執有百夫長導入海又從戰黃巖滿洲軍射之煌言以數騎突圍出遂躬習騎射值  
浙東義師起煌言大會諸軍於駝峰及蕩湖伯阮進奉監國至曹從龍部忽大掠走煌  
言乃舉其軍屯平岡兵雖少精整與王翊李長祥齊王虎王勳等爲犄角兩人亦起兵  
者尋以其兵授劉翼明陳天樞自以親兵入朝於舟山屢請以重兵屯定關其父已卒  
降臣天錫及田雄馳書使解兵煌言峻罵之比舟山沒及名振扈監國人金門成功重  
之故王得無恙煌言自以兵破崇明軍三入長江皆與名振功匹舟山再破監國從臣  
無遺旅煌言以孤軍流寄閩浙成功曲多暴之煌言接之以忠信阮美軍或相犯曰  
我大臣寧與麾下兢曲直哉由是睦於鄭張名振卒煌言總其軍遣使如滇通表貢永

續明紀事本末

卷一五

二十四

歷帝以爲兵部左侍郎兼翰林院學士郎廷佐招之煌言覆書稱遼陽世冑耶君略言  
指蚤利鈍庸夫聽之而變色貞士則不然所爭者天經地義所爲者國郵家仇所期者  
豪傑事功聖賢學問也故癩雪自甘卒以成事自古以來何可勝道僕於將略固非所  
長祇以讀書知義左袒一呼甲楯山立遂不惜憑履風濤縱橫鋒鏑迄今餘一紀矣同  
仇漸廣晚節彌堅陳兵海隅祇爲乘時今兩粵失守三楚露布八閩羽書奚啻雷霆飛  
翰僕起而匡扶帝室克復神州此忠臣義士得志之秋也卽不然謝良平之竹帛拾黃  
綺之衣冠一死靡他豈諛詞浮說所能動其心哉譬如虎僕戒塗雁奴守夜旣受其役  
而忘其衰在執事固無足怪僕聞之怒髮衝冠矣且招廷佐使之降永歷帝使命煌言  
以兵部尙書總督浙直軍務有強其妻子招之者煌言不敢書趣焚之旋入台溫寧波  
鎮江卒乃大舉泊觀音門儀徵六合降煌言以書抵朱成功五軍使張英曰兵尙神速  
水道遲滯非策急趨蕪湖爲功遮上游連下太平四府三州二十四縣兵不及萬舟  
不及百惟以先聲忠義相號召軍法嚴整共呼張爺卒有強取一錢者卽斬之所拔城  
先謁至聖坐明倫堂集故官長行黜陟父老望其衣冠多泣下江楚魯衛豪傑之士多



詣軍門受約東方部軍攻九江而朱成功之師潰焯言自寧國聞之急就蕪湖思扼守而太平守將叛焯言斬之復其城值鐸尼軍至

詳浙

乃自皖北入江南走嚴溫達於海

蟠人傳張兵部得生還皆悲喜嗚螺招軍告敗於瀕且引咎永歷帝手勅慰問加焯言

兵部尙書東閣大學士諸生羅子木進說朱成功於鎮江已謁焯言以家國之難慟哭

告邀焯言再大舉焯言謂力弱成功之不我忌徒以我墮弱爲禦定關通中原耳故置

我不圖且其衆無愛民心至必荼毒子姑待之子木遂事焯言及浙江遷界焯言屯田

於南畝仍不足食成功入台灣焯言苦爭之不聽又使吳鉅問行入湖北

詳兩湖及成

功卒焯言歎曰吾無望矣浙中再招之焯言復書僕所以百折不回者上扶國社下衛

桑梓十餘年間海上之民敲骨吸髓可爲重息重以遷徙迫以流離哀我人斯亦既勞

止今若盡復沿海之民舉其賦以傳我當與執事約別求生聚教訓於十洲三島之間

則是朱崖雖棄休息依然朝鮮自存艱貞如故但使殘黎朝還故土不佞即夕挂高帆

必不重因此一方民也又曰執事新朝佐命僕明室孤臣區區之忱言盡於此已聞浙

中遣臣將秦魯王復監國則大喜上啟勸進勉鄭經以三矢卒不就時王在金門貧乏

續明紀事本末

卷十五

二十五

甚焯言歲時供億不少懈王賴以存及啟至王悲慟遣使入浙勞焯言於其軍相與流

涕以鄭氏曠王慮以兵入朝爲所忌然共知其爲魯王軍也俄王薨焯言抑鬱甚以其

軍徘徊諸島間攻福建浙江互勝負然勢益弱又年餘知不可爲盡敢部曲獨與羅子

木王居敬楊冠玉及將卒舟子數人結茅於南田之懸巖時閩粵義旅幾無存獨焯言

在趙廷臣亟購之繫其妻子於獄降將張然募焯言校爲僧普陀以伺之值焯言將某

出羅米校故與狎粹以兵迫之其將不肯言憤赴水死殺其從者盡乃知焯言處夜襲

之懸巖在海中荒寂無人惟其南有汝通舟楫北則峭壁焯言居其間蓄雙猿伺動靜

敵舟在十里外則猿鳴於樹得爲備至是被執及羅子木葉雲王發楊冠玉擁至寧波

方巾葛衣觀者如堵杰舉酒相屬曰遲公久矣焯言曰父死不能葬國亡不能救我罪

大矣至杭州供帳豐備縱者舊將校往謁有索書者亦樂應然不食飲甌水而已發寧

波時再拜曰某不肖辜鄉父老二十年之望登舟危坐夜半有唱蘇武牧羊曲者披衣

扣舷以和之且勞以酒曰爾亦有心人然吾志已定爾無慮叩之則防卒史丙也渡泉

塘舟中得一箋曰此行莫作黃冠客靜聽先王正氣歌笑曰此王炎午後身廷臣說之



降正色曰此何必言惟祈速死而已將刑過鳳凰山曰大好山色柔筆爲絕命詞曰義  
幟縱橫二十年豈知閭位在于闔桐江空繫殿光鼎震澤難回范蠡船生比鴻毛猶負  
國死留碧血欲支天忠貞自是人臣事何必千秋青史傳國亡家破欲何之西子湖頭  
有我師日月雙懸于氏基乾坤半壁岳家祠慚將赤手分三席特爲丹心借一枝他日  
秦車東浙至怒濤豈必盡鴟夷何事孤臣竟忘機營戈不復挽斜暉到來晚節慚松栢  
此去清風笑蕨薇雙鬢難容五嶽往一帆猶向十洲歸疊山遲死文山早青史他年任  
是非至於弼教城復口占我年四十五恰逢九月七大廈已不支成仁萬事畢刑時挺  
立不跪刀折爲兩人咸異之遺民萬斯大等葬之南屏山妻子先拘鎮江煌言使力士  
引之出其子曰母可借乎獨我往母必死矣拜謝力士至是先煌言三日死或憫煌言  
語置妾則曰妻子如是何忍言之且成敗未料多累何爲馬信以陳幽輝女奉之曰忠  
臣之裔何可辱乎且義不再娶厚遣而歸之病不飲藥大洋中能自運柁每嘆曰沿海  
脂膏盡矣賊而勝則進取敗卽入海畢吾事與葉振名論人物曰紹興死義者衆吾慕  
之愧之卒踐其言當煌言入海時被風止荒島絕食夢金甲神語曰贈君以千歲鹿遲

續明紀事本末

卷十五

二十六

十九年而歸我果得蒼鹿食一鱉竟日不復饑比羅舟未返篋之大凶徘徊假寐復夢  
金甲神呼居敬告之言未卒而被執蓋十有九年云所著奇零草水樓集北征錄采薇  
吟藏於史丙或購之曰公之真蹟日夕焚香拜之安可市乎振名望祭煌言於越王嶺  
操文六千五百言其身係浙軍如此明史不爲之立傳識者議之羅綸字子木以字行  
朱成功至鎮江子木往觀變謁煌言於儀徵一見器之使諭檄大江南北欲遂留之曰  
親在未可以許叔父羅蘊章爲成功左鎮乃入其軍不數日成功敗而東子木見大標  
至焦山輕舟赴之大呼而登曰公竭十年之力而辜天下之望乎成功不答子木大慟  
曰兵勢尙强奈何自挫彼勝而隋更攻之必入南都失此不舉其可爲乎持成功手頓  
足哭成功使扶去乃急入鎮江奉父隨蘊章至温州如廈門以成功不足恃奉父北行  
次三山遇追兵至門墮水比拯出父已被執思以奇計救之不得嘔血頻死煌言以立  
功報仇語之遂事煌言請邀成功北出煌言謂必不來子木曰以書促之何如煌言曰  
可遂自作書成功不報居煌言軍多直言左右皆忌之子木不爲動佐煌言屯田南山  
及煌言軍桃花山竄從多散子木朝夕敬護之不懈被執次煌言席地坐而不跪常進



功言海中知我名否則大笑曰但識張司馬不識爾燬言責廷臣子木抗聲曰先後死耳何必言燬言絕食子木言丈夫死忠義聽其所至可也飲啖如故亦死弼教坊冠玉鄆州人被執不屈大聲曰我亦不跪者也廷臣以其年少將脫之固請從死居敬燬言之門人以計去爲僧雲發官守備皆面燬言跪而死故校以誘致燬言功授千戶值巡海遇燬言舊將憤其害主突刺殺之有燬言同年生應試被黜咄咄若迷曰彼作何等事而我若此其志節可風有如此

附錄二詩曰聊諭一息尚圖存吞炭吞氈可共論復望臣聲與夏臣同碩果也留正氣在乾坤不堪百折播孤臣一望蒼茫九死身獨挽旛旌空問鼎始留

記感憑帝答湯孫天冠猶帶雲霞色旌旆仍留日月痕

章欽臣官都司

先爲孫嘉績將別司火器江上潰欽臣散其軍亡命去山寨師起欽臣復糾衆起稱仰山軍事敗被執死之妻金氏沒入旗將行大罵不屈磔之刑者爲妻語罵益戾甫絕而刑者以暴死陳天樞與高宜卿等同起兵居平岡兵少而精張燬言李長祥皆依之時義軍多主王翊天樞獨自爲部翊亦敬之如兄弟田雄來攻陳虎侯以烏銃斃其兵一餘皆上馬陷於淖盤旋不得出皆下頓首乞命獲級八十天樞與役焉亟道劉翼明於王翊卒得其助常進功至天樞夜襲之先撓其馬驚衆亂因縱擊之進功僅以身免

續明紀事本末 卷十五

後爲敵兵所遮門死門中其兄元禮亦死之一曰天樞破新昌爲火藥所熱促翼明曰急入城無以我爲念月餘以創死王化龍亦起兵於會稽兵敗而死章憲者爲總兵江上潰憲歸散其部其妻余氏會稽人也諫曰散易聚難今監國在海令詔至其何以應不聽旣而被執降人劉桓許以官使招山寨憲不應氏大呼曰死即死耳無二心妾願從君子獄成以氏少將免之以獻氏不可命同戮則欣然先磔憲以怵之氏瞑而誦佛刑卒以刀斮之不受辱乃肢解之明日卒見氏至曰死吾分奈何辱我我得取爾矣稚其胸死

靜寧王朱述桂起兵江上有衆一旅晉封長楊王聞其兄固在且封遼王乃辭爵請以長楊畀兄子隆武帝不許改封靜寧使督方國安諸軍知不可復爲退居紹興及江上潰走海寧覓漁舟出石浦偕監國魯王之舟山從入廈門鄭綏攻福州王監其軍及永歷帝立自南澳入揭陽趨賀行在永歷帝使還督鄭鴻逵軍明年詔王督朱成功鄭鴻逵軍屯揭陽尋還廈門移金門及成功定台灣王首東成功卒經設永歷帝位奏事於前王左侍立然王已老墜田竹漚以自食且供賦役耿精忠反王意動躬乘舟入覲勢



知不可爲返台灣杜門謝客惟大零一出禱徒步往還弗避也台灣危日久憂慮而曰脫不守我以身殉耳及克塽降故監國世子桓及瀘溪王慈爨巴東王江樂安王俊舒城王著奉南王熿及益王宗室鑄皆從之王嘆曰是吾歸報高皇之日也以其印授克塽使宮人自適妾袁氏王氏及侍姬三人請先死明日葬五楯於前山使校尉出已櫬著翼善冠龍袍玉帶設賓禮於庭北面再拜二祖列宗士民入拜者無少長皆答拜乃就縊曰吾去矣遂絕扶而下之容色不變與袁妃合葬於長明里時明亡四十年矣王既起兵且爲有明殉國之殿

給事中熊汝霖九江僉事孫嘉績給事中林對時及邵秉節陳相才諸生呂成京沈之泰邵應斗邵一梓起兵餘姚降令某苦役民見嘉績皆泣曰逃諸皆對曰死也曰吾聞江東義兵起公等又壯士曷應之卽不勝猶緩須臾死乎其令以三百人起林時對等皆以兵起以汝霖知軍從之劉宗周將死以兵屬汝霖曰兩殷豈愆期哉明日汝霖以兵至哭宗周柩而行遂合嘉績軍西至臨平殺務官屯於五坑敗修國器焚其舟至於海寧語父老曰國破君亡獨三百年恩澤不可棄也泣而拜於軍門者以萬計乃列

續明紀事本末 卷十五

二十八

部伍分汎地使俞元良司軍飲姜國臣知戰事稱熊家軍戰最力部將盧充史標及其從子茂芳皆著績隆武帝詔至衆紛擾汝霖止之且曰直取嘉興勝於阻江以戰監國魯王手詔美之王之仁方國安部亦憚其義未幾以爭餉汝霖嘉績軍多乏食請檄石浦舟山軍出海口使姚志倬爭長與不聽方國安又敗義師氣折汝霖乞師於張鵬翼與陳萬良合戰少斬獲江上師潰嘉績方治兵於海聞之急還監國已去嘉績攜其圖籍印綬絕江走至中洋悉舉而沈之次於舟山疽發背卒將死語子延齡苟知王所在其急從之延齡歷官至尙書大學士汝霖從王海中爲東閣大學士會兵瑯琦與諸戰役降將王進四人擁軍立鄭綵攻之皆膺陣曰吾儕明人豈能無意願綵非將才得熊督師來當立降汝霖聞之肩輿自出皆曰是也則皆降得兵數萬分隸諸將陳萬良沈羽箴之起也屯於塘棲臨平間汝霖欲因之以北使行龍招之萬良受書泣曰久望熊督師無以自達今乃知江東讖吾輩矣其感人如此及監國自閩還鄭綵尤橫汝霖每抑之定遠伯周瑞惡於綵汝霖擬稟右瑞綵怒又忌汝霖軍精整又與鄭遵謙爭洋舶恐義軍或襲之值汝霖休沐家人以除夕與遵謙拏相問遣其部李茂曰熊鄭相結必



禍公綏交縛汝霖及其子投之海子即綠媚也亦不願又殺違諫人心駭懼後綏死人謂汝霖違諫實殺之應斗與朱伯玉同仕于穎後以敗死或訛爲一梓降非也一梓亦起兵屯江上師潰郤守四明山有衆萬人銳甚田雄等相戒毋犯卻木林則其字也後戰敗被執歎曰毋壞我網巾將以見先人於地下傳至上虞將礫之仰首大罵卒不跪劊及臂脛乃仆猶呼高皇帝及關漢壽亭侯爲一梓膽勇冠軍旣死義軍奪氣梓兄一柱一槐第一楠一棟皆戰死云對時柔節相才之泰侯考

諸生石仲芳起兵於蕭山稱石家軍浙東山寨若陳天樞王化龍金湯國望及袁應彪吳奎明雖不若王翊張煌言之精整然固以義起仲芳一旅與之比伯玉始從于穎司兵餉嗣與劉翼明陳虎侯軍仲芳敗死伯玉亡去伯玉朱姓也

監察御史李長祥起兵上虞南郡覆長詳卽起兵督餉而西七條沙軍潰長祥歛其部屯東山時義師各抄掠長祥及王翊張煌言軍獨否且耕且食井里宴然華夏來結長祥曰會稽諸城並有心腹欲得海師以助耳夏以爲難恃長祥以衆望故使促黃斌卿於舟山夏爲語曰由斯至海口有蛟關兵可六百大蘭兵千至鄞江有營江兵可三千

續明紀事本末 卷十五

二十九

大皎兵四百陳大龍陳仲策兵及千至慈溪有馮家楨兵可五百至姚江有平岡兵可三百渡曹娥有何山兵可二千蕭山有石仲芳兵千以此長驅何憂於無助斌卿奮拳向曰希諸軍不至當餉子肝誓說再四卒不肯出楊文琦再至請何除襲之猶不可馮京第力請乃諾長祥因約大蘭諸義軍定寧波下餘姚會師曹娥以趣西陵衆推長祥爲盟主勅期將發謝三省誓額義師領賞購募得祥帛書以告張存仁使慈溪兵襲大蘭常進功攻管江姚江兵攻東山長祥前鋒章有功力戰死長祥師潰其部江窠及十二人陰受存仁指縛長祥旣發十二人忽曰奈何殺忠臣各折刃矢遁覺追之不及長祥入紹興以事急依王朝先於奉化資具屏糧復合衆於夏蓋山渡海龍起洋中震雷水立長祥色不變且炮擊之尋自健跳朝監國加兵部左侍郎請合朝先軍屯海口許之張名振殺朝先長祥走免舟山破亡命江淮間陳錦得之拘於江寧卒遁去諸生黃宗羲起兵黃竹浦所糾宗族子弟數百人隨軍江上稱世忠營權監察御史陳梧兵掠餘姚知州王正中斬之衆議罷正中宗羲爭之又語之仁曰何不沈舟力戰道赫山以取浙西今日鳴船數攻其有備是自守也叢爾邑使供千萬人食卽無一矢至



又可守乎又曰崇明者江海之門戶也曷援之以分江上之勢衆弗聽惟能汝霖肆其說遂獲捷汝霖盡軍三千付宗義中正者之仁之從子也自奮忠義與共將汝霖軍以故他義兵不得食宗義獨免查繼佐軍亂宗義定之與出浮山太僕寺卿陳潛夫尙寶寺卿朱大定及吳乃武皆來會遂自海寧東入海鹽通道太湖諸義旅將自乍浦取崇德與孫夷爲應以勒克德渾張存仁嚴備止江上師潰宗義以軍入寧波猶五百人微服求監國而戒士卒無樵塚衆不從山民焚其寺宗義無所歸赴監國於海以王翊最忠請優其職張名振不之善值武將恣橫庶汝霖錢肅樂劉中藻皆困於鄭綵宗義又失兵惟與吳鍾辯講學舟中聞其母被藉歎曰吾不能爲姜伯約矣鍾辯送之鳴咽濤中而歸明年再赴詔與兵部侍郎馮京第共監澄波將軍阮美軍乞師日本至長崎不獲而歸聞金礦等軍大出險告舟山使爲備及義師盡宗義奉母以終宗義研理學與陝西李中孚北直孫奇逢稱三天儒又與奇逢皆舉兵其乞歸以母在也其學術爲姚江之別派兼工經訓算數明末畸人傑士東南爲多學行尤以黃道周顧炎武及宗義爲精博云弟宗炎學行與兄埒錢塘之役竭貲起兵已使丁壯前驅婦女餽餉步謁監

續明紀事本末

卷十五

三十

國於蒿壩宗義出海炎留龔山事故走寧波爲馮京第結義旅被縛以救免復及京第故部謀再舉被捕亦竟免隱於白雲山以終

進士俞元良大姓查繼佐沈家陸名時朱大定吳乃武起兵海寧吳汝霖以數百人襲海寧士民迎之將令一人長其地皆莫應元良慨然曰此非公一人事元良敢自後遂以監軍攝縣事張存仁兵至衆潰元良再復之與陳萬策沈羽箴市塘樓劉翼明巡諸軍曰陳將軍勇而有義俞將軍文而有禮陳謂天樞俞卽元良也已而事急孫夷等請救之監國魯王不聽元良以無助死其兄元禮亦同死繼佐五人俱敗死

義士孫夷起兵於崇德將應江上軍西趨杭州又請救俞元良皆不果兵敗而死諸生董志寧陸守鼎張夢錫華夏李文纘毛聚奎王家勤杜俊懋杜兆衍施邦煇魏耕沈調倫徐孚遠范兆芝戴爾惠起兵寧波志寧以浙西事急語諸紳起兵皆狂之惟錢肅樂

避焉及會稽餘姚之兵起志寧奉書就肅樂盟而六狂生之名起謝三賓蹇王之仁速殺之之仁已納肅樂言出三賓書叱斬之三賓走免復陰聚兵叛志勤發其狀

見浙海遺兵

三賓不敢動更結戚曉得進用家勤聞之棄官歸江上旣潰三賓出降盡以志寧之謀



告志寧走舟山尋還收義軍賞銀不成而集舟山破自刎而死妾羅氏殉之子士駿士  
驥幼比長皆入海從張煌言僕周文綯索終身華夏從戰牛頭灣親犯矢石江上潰慟  
哭而歸及監國攻福建滿洲士卒及諸降衆在浙江者多檄去李長祥王翊復爲明志  
寧謀以其軍攻寧波已爲之應別使王翊趨紹興則浙江可復夏爲之走長祥軍與定  
計又躬自定海入舟山說黃斌卿使大舉將以申其志斌卿不可讐論再四卒不從及  
斌卿許諾則事已爲謝三賓所發兵急捕之夏爲所執自寧波訊掠逮入杭每詢同  
謀者則呼高皇帝已下對李文纘從錢文肅最早又走舟山思入閩還與夏同被執幾  
死獄中賦詠不絕卒以夏未之供得免且曰文纘一才弱書生乃強責若此以對簿時  
斬斬然也降人蔡瓊枝思奪三賓室反使引之夏鄙不之從臨刑或尤之夏曰事成吾  
不置汝事敗汝不置我理也首旣決有白光冲天去妻陸氏自縊死夢錫亦佐肅樂起  
兵者江上潰屯於大皎山兵少而勁時稱張煌言爲大張軍夢錫爲小張軍習於武技  
視華夏董志寧僅操書檄者尤健煌言入海猶以五百人守攻者圍之夢錫揮長矛鬥  
殺傷過當力盡而死五百人從之呼之降無或應惟三人突圍出明日有斂夢錫尸者

續明紀事本末

卷十五

三十一

則三人也家勤亦同起兵師潰再與志寧等謀翻城應事洩被捕訊之瞠目不一語謝  
三賓將活之家勤曰吾豈望覆巢之卵遂死守燔亦佐肅樂起兵進官至按察副使監  
江上軍師潰遁跡不出已復謀舉兵被執出獄不入其黨死毛聚奎與起兵參瓜里軍  
幕專司餉事紹興破奔走之間屢遭捕捉卒得免六狂生得考死者聚奎一人而已懋  
俊因說其叔兆苜結誓捍寇聞邦焮以私財募士集衆三千勅期起以賣炭趙翁有兵  
術領身奉之使人約馮京第爲助值王家勤至謝三賓以告邏者跡之邦焮梟其首使  
死士衛家勤入海求助已鳴鼓守常進功等力攻之懋俊據險鬥矢石如兩關三日死  
亡略盡猶以家丁戰頭日中矢如蝟螿壁而死尸固不仆邦焮縱火焚其壘拔刀自刎  
曰吾不負此也兆苜被執刃其首十二乃墜人謂之管江三烈俊兒元懋聞江上潰自  
沈不死爲僧以辛元初走死深山魏耕以起兵亡去妻子繫獄弗顧也久之事解閉戶  
爲詩而陰召朱成功使北出及成功入長江聚共知爲耕謀又導張煌言自英雷走歸  
浙已亦被捕不屈而死耕之未死其友錢纘曾賂吏以重金得解有孔孟文者來自成  
功軍求賂纘曾不足則以耕蠟書告耕死纘曾亦被執番禺屈大均不可一世猶心折



耕爲詩曰生平梁雪竇是我最知音一自斯人死三年不鼓琴耕自稱雪竇山人云調倫亦起兵山中遣使迎王江與共事聞者爭以壺漿至兵敗被殺孚遠兆芝居柴樓尤近舟山輸財貢賦以資監國濱海警節者多依之兆芝旅死孚遠自南都沒卽誓存其髮與子龍夏允彛謀勤王不克入於太湖爲兵所迫妻姚氏子度遠皆死孚遠聞入浙與兆芝同事柴樓濱孚遠入閩知天興府斷獄平允張肯堂出師加孚遠兵科給事中與偕及隆武帝沒監國魯王返浙江孚遠從之張名振北伐颶風覆舟孚遠以後次得免舟山破從王廈門朱成功禮之爲上賓永歷帝加成功爵亦拜孚遠副都御史偕使入覲風飄入交趾要以臣禮見不可返廈門及廈門破爲吳六奇所曠完髮而死嘗與允彛子龍共言志允彛曰吾安於無用守其不奪而已子龍曰吾無閭閻之才而志過尋仲孚遠慨然流涕曰百折不回死而後已後皆如其言戴爾惠膏波布衣也肅樂倡義時大會城隍廟爾惠一麾手從者三四千遂舉義以戰功封義武將軍江上潰遁歸其後山寨義師起爾惠復與事一門皆死

續明紀事本末

卷十五

三十二

粒以誓死聞六狂牛起兵赴之大集紳庶陳說忠義降入朱之葵孔聞語亦至肅樂碎其刺業羅振略國挺戴爾惠遽呼戴之乃入府署封府庫收管鑰墨經視師約王之仁與守張成義高泰楊瑤仲等皆從通表魯王請居紹興又曰浙西義師競起蘇松嘉湖兵寨數百杭州孤懸耳請出海道以窺三吳不許既而軍乏不得食上十亡疏爲方國安客鳳儀等所忌移軍海鹽江上潰入閩中延平又陷避居福清拾青茅枯箸以食聞監國駐琅江遂入覲請破格招士編卒伍選驍健以書說涂登華下福寧約六狂牛取浙東不克時鄭綵橫甚肅樂艤御舟側稟擬竟則牽去讀書匡坐綵猶嫉之肅樂忿嘔血聞連江復陷以首觸牀而卒肅樂嘗夢手捧日漸上俄復昏小卒墮袖旁蓋監國矣卒六年故相葉向高孫進晟葬之黃蘗山中其弟數人並從起兵季弟諸生肅圖從監國入閩擢御史還結義勇又從舟山五弟肅範官監紀從浮海大學士劉中藻招之擢給事中福安陷望百辟山嘆曰此宋少帝入海處也賦絕命詞縊死其僕張貴殉之七弟肅濂以諸生授主事監國入舟山張名振入長江皆聞道從舟山再沒肅濂亡命又從張煌言入長江兵敗相失一夕嘔血數斗大呼不絕死妻鮑氏爲女僧九弟肅典爲



推官舟山將沒渡海警爲追騎迫使兄肅邊急走免已被執不屈而死肅樂婦翁董光遠警其家助肅樂起兵授主事與軍事及肅樂入海光遠自縊死肅樂子兆恭亦走舟山死元宸既定甯波乃以翠山之衆迎監國擢今職上疏力言時政及江上潰走深山中朝夕哭一日數徙山中人不知之識忽老婦識之嘆曰是晦跡未深也旣而疽發命無藥門生林奕隆誦大還詞三韻之而卒國挺旣載肅樂又破家餉義旅幾爲謝三賓所殺得脫貧困以死焉仲兄弟共從戎於江上事敗兄弟嬖嬖凡六人皆抗節死

大學士沈荃宸故蕙溪知縣王玉藻諸生王翊王江徐啟睿章成義孫悅及楊某起兵慈溪荃宸與熊汝霖孫嘉績錢肅樂會兵迎監國江上潰棄家從王次長垣入舟山又從王泛海次廈門還金門尋復入浙賊舟日南山遭風沒於海當從亡時其父家居人屢斲之卒以強直不能害荃宸每思父輒誦詩吟罷慟哭聞者哀之玉藻起兵進御史給事中遇事邁往諸將惡之曰是將刃及我矣固請入朝又以持正爲人嫉屢求罷浙東沒玉藻投於池家人出之入剡溪山中後歸江都其故里也終身不易衣去髮一夕作絕命詞擲筆而死門人熊亦方從左右朝夕悲歌久而癡死逾年職方楊某復被殺續明紀事本末

卷十五

三十三

亦起兵者也翊少孤不善治生弟翹以耕讀助之然饒智略與江同募兵防江遣使肅貢江上潰翊走邏者因翊以招之翹及慕士諸生皆不屈死翊泣曰是真不負吾家也說黃斌卿襲寧波與華夏等翻城應事洩翊不署名得免與江結寨四明山破上虞殺降令戰勝而息兵夜襲之翊棄城走旋再破之得縣印張在仁使攻之自清賢嶺入翊合諸軍屯丁山猝被襲死者四百有孫悅者亦起兵聞警來救翊免而悅以戰死直立不仆翊招散亡復振與馮京第屯杜舉降者導兵擊破之卽一梓力戰死翊以四百人依俞國望於天台謂諸將曰此團練罪兵雖勁非團民導無能爲乃擊殺諸導者緣道收兵得萬人實八千任戰者三千至入蘭山語父老曰前者橫擾今我不然偷念故國其許我乎遂稱大蘭洞主禮致劉稷劉翼明褚九如沈調倫鄒小南毛明由說馮京第乞師日本分道天津南京已自山中應之設五司五營五營主兵翊統之五司主餉任之江工計會履畝定稅盡取寧波賦小事抄掠翊明決賞罰皆歸之寧波訟獄皆赴總列城晝閉隸不敢之鄉降官守令反輿講解九如用法嚴而能屈已戰士傷乘以己騎躬爲執轡得人死力調倫爲沈國樸從子小南書生皆故家子用義氣相膠結明山



敢死軍旗陷陣議論亦侃侃軍中稱金剛是以屢戰勝資糧屢民競踰之而以致諸舟山監國之能立則姚志倬在天目翊江在四明故也尋自上虞殉奉化偵吳明奎敗追騎至河泊江猝遇之大戰而勝使翊舟山授翊御史江主事黃宗義謂其薄於時張煌言在平岡李長祥在上虞章欽臣在南鎮皆兵少不如翊他諸義旅率抄掠精嚴又不如江絲粒不病民劉翼明嘗按諸義軍曰翊將軍文而有禮陳將軍勇而知義然不若王公寬厚有大將才又曰惜王公起後時若以此軍戰江上豈不拔杭州哉翊朝健跳自御史進僉都再朝於舟山擢侍郎晉尙書張存仁等謀曰此皆失職者也招以官可立解舉人嚴我公卽爲誥身印綬請任招撫柏襄甫等降之將入舟山道翊軍都督黃申道曰我公計動山海人心不可使達行在執其使烹食之曰敢受招者視此我公遁去翊合衆國望陳天樞破新昌拔虎山金礪田雄懼曰不討山寨無以戢其內再掠山民爲導自奉化餘姚分道入大肆淫殺旗臺三十里翊知不敵議棄大蘭使劉翼明等自東陽義烏攻衢嚴己之海口大治舟師期入崇明合圍圖杭州會稽素先叛諸將皆散乃以兵航海及舟山急復請入內地招軍參軍蔣士銓從之比至將佐皆盡徬徨續明紀事本末

卷十五

三十四

寨內父老勸之奉化夜有大星墮地野鳥皆驚衆憂之明日至北溪爲奸民所執題詩奉化驛士銓先被殺比死無掉詞爲絕命詞以自道翊聞爲文祭之在這日整治冠裳曰使讖漢官儀也陳錦訊之翊席地坐曰無多談成敗利鈍皆天也降將劉之協射其肩田雄射其頰金礪射其脇餘衆忿其屢拒門羹射之如貫木不少動截其耳額猶挺然斧斷其首乃死時年三十六從將二一石必正揚州人一明知餘姚人掠使跪不可則面頰而跪皆死見者泣下曰王公忠義乃其從人亦義士也陸守燝江漢毛明山竊其元藏之後爲守燝弟所見泣曰此王尙書首也束蒲爲身而葬之遺一女入武臣家爲婢憐其忠奮撫之如已出有劉某求妻禽女不可突出其劍自刎死蓋女固字黃宗義子誓不二也江在杜譽時人稱東西軍翊西而江東因地養兵且致遺老諸臣以資斧相號召故杜譽一軍中他家歷官右副都御史大蘭之潰江遁以母爲兵執爲僧以見及母死江僞與妻離已攜之走金門朝監國張名振請以爲監軍與入長江至燕子磯望祭孝陵題詩壁上慟哭而返名振卒沈調倫再起兵遣使迎江山民聞之迎者屬路攻者慮其復竊角爲舟山障急擊之調倫戰死江中流矢卒小南爲僧於金山啟容



爲縣諸生貢材任氣以國故已爲僧聞錢福樂兵起破關而出從衆入其軍監國魯王以爲錦衣指揮不受自稱白衣參軍時江上軍多觀望啟容獨卽麾下百餘人諭以大義提劍渡江直薄西岸滿洲軍謂游騎使一裨將禦之啟容奮劍直出掩殺過半城中舉鏡師爲長圍以攻之被執諭降大罵乃殺之成義出劉戡山門起兵後射與戰事兵敗行遜不知所終

諸將吳李明袁應彪汪涵起兵於奉化奎明爲田雄等所敗追至汊泊死應彪亦死涵奉黃宗義屯山中居人焚錫杖寺瀆門烈焰中得出歎曰所圖不遂命也不死且致辱還門而死

武生俞國望及金湯起兵新昌國望長者有衆及萬工島統敗田雄兵於山中雄衆畏之累功封新昌伯一日戰中流矢仆叢篁中追騎千餘過之無覺者王翊能軍嘗往依之又及王翊陳天樞兵復新昌北越餘姚拔潯山斷寧波紹興之道裨將某持尺書道王翊軍不候令止劉翼明杖而遣之語且國望親來謝其文而有禮乃知此卒以敢死金湯與同起別爲營壘事多逸然亦死矣

續明紀事本末 卷十五

三十五

吏部尙書張國維起兵義烏國維聞北都陷星夜走入浙因起兵得卒三千至鎮江宏光帝立入朝與史可法北伐爲馬士英所敵歸至是復起與陳函輝朱之晉柯夏卿謁魯王於台州奉以監國以爲太傅大學士尙書賜劍督師江上以派帥驅虜捐其產署券約以土著養不逃之兵富者獲產而兵食足人情大悅又言必聯諸將之心爲一心然後視諸人之功罪爲一人之功罪王嘉嘆戰於江上屢捷隆武帝詔至急行至紹興止之及方國安遁諸軍皆潰惟王之仁在國維議檄兵五千與之守之仁曰孤軍難立有舟可入海公宜自計乃整旅追從王至黃石巖聞已航海而已無舟不能渡遂返義烏謀再舉監國聞之使留守東陽義烏武義永康故起兵時所分地遂屯陷坑俄義烏沒衆勸入山曰誤國者文山疊山也至七里寺召守令吳滋曰使知吾死所爲絕命詞三章有時去仍爲朱氏鬼精靈常傍孝陵墳之句語其僕曰毋使太夫人知東陽將士因我而死其卑吾口詣各門謝之冠帶入水死及城陷兵入其門多泣拜者蓋濟寧人嚮飢國維爲粥以活之或躡其柩旁夜覓國維絳袍白鬚坐甲兵燈火嚴衛之乃亟拜子世鳳官將軍以吳易事死次子世鵬被執居民數萬適張存仁雨泣求免乃得釋



兵部尙書朱大典御史傅巖主事王之拭起兵金華大典甫受督師命而宏光帝被執乃返金華練兵誓守方國安潰入浙思甘心於大典縱掠金華圍之三月近城四十里無復煙火值十顯檄之去乃得解監國魯王在台州大典使其孫珏勸進已與張國維軍金華旂汝霖孫嘉績屯紹興錢福樂守寧波爲江東三府進大學士以金華蘭溪湯溪浦陽諸之浙中文武方拒降武帝大典孤立其間建行宮以待臨幸而與浙東諸將亦相齟齬武帝以舊誼留爲大學士虛席待之大典曰錢塘扼要害吾去誰司餉者且唇亡齒寒閩中亦不可守卒不行監國魯王使與張鳳翼專備閩大典亦不從屢疏請隆武帝幸衢州方國安之圍金華也有使以子媳出避者曰是爲民望也以是一軍無叛志及錢塘潰招撫使至大典殺之以死守阮大鍼從托洛來攻殺傷過當城中勢益急御史傅巖義烏甲族也旣與大典同起兵願事急請集其衆以爲援夜絕而出總兵吳邦溶何武爲大典守兩人驍勇有智計托洛不能下大鍼恨金華人檄逐之覘西城新築使托洛以大砲攻之守者亦拒以火礮已而牆裂兵乘之入大典使妾及女先死子萬化猶巷戰其妻章氏已先死邦璫虛火礮多必資敵將焚之大典示之以火繩曰此續明紀事本末

卷十五

三十六

吾志也與坐庫中何武及賓客從者二十餘人俄報公子死急舉火震聲如雷皆灰燼矣外兵亦駭絕徧求其屍卒不得浙東死事之烈未有如大典邦璫武者邦璫妻傅氏曰事急毋顧我惟一死耳城破散金婢僕使皆走絳衣縷死傅巖將死子齡熙年十四以身翼之兵乃其願仲子齡發趨救矢洞胸仆旣甦見兄弟死手扶其瘡死惟長子齡文在外得不死奉母歸杭州終身囚垢之拭甲申殉難王章之子也監國使以墨絰爲車駕主事知鄞縣章初亦知鄞縣監國爲制詞曰以汝父之遺愛望厥子之世忠之拭泣受命已見江上事不可爲辭入閩隆武帝復命爲車駕司閩將敗復還鄞大典起金華招之之拭爲之練兵於義烏金華之陷之拭得走之山中謀再舉被執而死蓋父子死義云

中書陳世亨及鄧藩理起兵溫州以一旅復瑞安援兵不及被執而死或曰藩理乃鄧藩之理事官非其名云

御史陳潛夫起兵臨海潛夫當南都未立即傳檄討賊嗣坐謁童妃爲宏光帝下之獄南都亡國監國魯王加大理寺卿兼御史監浙西軍潛夫自招三百人與諸軍屯江上



求餉不得錢肅樂言潛夫破家爲國今聽其軍皆餓死乎卒不得方國安遁潛夫走從監國於紹興不及至小楮村語其妻孟氏曰勉之吾爲忠臣爾爲節烈婦曰是吾心也櫛髮易衣服及潛夫共拜祖父像已拜父母及弟相攜至化龍橋入水死年三十七有朱輝者爲討賊檄文詞尤激烈云

台紹道傅雲龍前晉江知縣陳函輝武生張廷綬起兵於台州雲龍結台州知州關繼

瑄通判楊體元推官張明弼知州宋騰熊

一作

傅檄起兵宏光帝詔止之函輝聞京師

陷慟哭刑性素豪倡義起兵傅布檄文詞尤激烈亦以詔罷浙東師起函輝與宋之晉等謁王台州勸進值國維來迎乃扈從至紹興王既監國晉函輝禮部右侍郎兵禮二

部尙書紹興陷從監國航海已而慟哭入雲峰山作絕命詞數章入水死廷綬以武學生從錢肅樂通兵法善挽強以驍勇署總統函輝起兵以會推屬兵廷綬擢都督僉事

還屯溫州之海門李唐禧亦至兩人相讓交甚密托洛兵入閩唐禧謂廷綬曰君當俟陳公消息然兵已逼不如死也廷綬曰諾散其士卒袍笏坐營門諭降不屈皆死之眷屬之從軍者皆死無或存浙江義師極衆大小六百餘起孤村遠堡亦建義旗貨糧屏

### 續明紀事本末 卷十五

三十七

屢遙濟海中莫之或音舟山監國一載有餘蓋諸山寨保障之力諸軍潰死舟山亦亡姓氏事跡湮沒十九可傳者或不得其詳類識之有若張振圻全美閑等奔走山海間被囚美閑仰天呼曰吾不可辱夜即暴卒魯珣爲夏敷使被執入獄死商宇泰斗樞之子也從福樂起兵監國重其人比之江東喬木水上滑斗樞亦自陝遁歸父子同預海上事首被逮其後兩捕之皆得免陳虎侯等屢及田雄馬得功戰悅懋楷悅懋禧同起兵江上事敗歸以不去其髮執下獄其母使人飲之酒醉而薨之既醒慟哭欲自裁衆妻止之乃已陳倉軍於高橋墩金魁謝旗牌屯於五十都及馮家楨沈爾緒方惠諸生何兆龍永嘉武舉林夢龍吏以潰散抗節死又有翻城之獄則屠獻宸董德欽楊文琦諸人實爲之獻宸等因叅江上軍師潰走宵波值史可法部陳天寵陳天策以兵止其家獻欽陰說之二人曰閣部垂沒嗚無負盟城下有營營縛兵備官以獻出可法遺牒於衣領中以示乃及肇夏王家勤楊文琦盟義士欽浩整費助之夏家勤爲約諸道軍獻宸即慮謝三賓爲禍果爲所詰天寵仲策方勒兵值諸道并潰家勤被執於海口獻宸欽浩亦被執文琦兄弟皆在外或勸之走曰吾以義起臨難不赴且將陷吾父然偕



死無益諸弟曷人聞也文瓚不可乃使文球走文璜文琦皆就執訊之日大陳刑具以  
悚之文琦再言文瓚不與謀請釋之以事父三賓卒搆殺之於是家勤文瓚文琦獻宸  
德欽皆死

家勤死  
見前

文琦嘗力說黃斌卿爲勉至桃渚事還被執文瓚以舉人官御史力

言閩浙之勢不宜分爭開讀者佛之文瓚躬入閩爲言宜合浙爲同仇不可以爭端隙  
隆武帝然之命掌貴州追巡守延平建寧之三關仙霞陷隆武帝如汀州乃返里爲翻  
城之舉將刑大呼高皇帝不絕口文瓚妻張氏名如玉上詞翰葬文瓚身首訖衣其故  
衣題絕命詞縊文琦妻沈氏曰烈烈矣吾將後之亦縊身陸氏絕粒七日或勸以姑  
在乃一食已聞徒諸人孥托其子於林時躍自縊死獻宸妻張氏爲絕命詞死文球就  
劉中藻於福寧參幕府城破球死之文琮亦與難走去張煌言命聯絡浙中諸義士自  
是往來不絕已爲降卒首其將引趙彪以攻浙彪亦海中義將也遂被逮曰吾固雁行  
中漏網也可死矣賦詩曰憑誰瘞我孤山上魄是梅花鶴是魂扼喉而卒人稱楊氏四  
忠欽浩南海諸生寓於浙通貢舟山疏吳中義士南昌知縣劉曙等凡十三人降臣王  
國寶逮曙至不跪曰反乎曰然惜未成耳然曙固不識浩也械至金陵與顧咸正夏完

續明紀事本末 卷十五

三十八

口等縱橫詩酒已而皆死有朱金芝者亦浙人從黃道周游得其易學甲申之變金芝  
在北爲僧以歸往來英霍諸寨及太湖軍中躬與謀戰幾死者數矣已知不可爲返里  
被捕襪被亡去或云客何騰蛟幕與殉節或云入滇崎嶇扈從死或言爲黃冠於鄖陽  
他莫能及矣

副總兵洪日昇給事中李維樾僉都御史李光泰起兵江西日昇聞北都陷卽與揭重  
熙起兵勤王至南都重熙以憂歸

重熙事詳後  
及江西之兵

日昇亦罷維樾光泰皆起兵勤王亦以

詔罷

義士蔡觀光劉斯燦林亮觀國楨起兵南昌斯光爲孔徹元客徹元死觀光憤之起兵  
南昌事洩以其衆走鄱陽被執而死斯燦起梓溪亮國楨及丁家塘師皆應南昌譚泰  
擊殺之

義士郭賢操諸生桂登魁胡戒登起兵德安遂克建昌爲降將高長子所執釋勿殺明  
年復聚衆起兵金聲桓使環其室焚之賢操先走去及聲桓復爲明賢操投袂起事敗  
見殺仲子良錫從子良銓以改建昌中流矢死叔子良鐸從鳥兵營戰死登魁戒登皆



死登魁妾胡氏殉之

諸生李含初起兵琅山含初值九江沒卽傾家起兵破德化瑞安人情震感無敢助者其部王拐子私歛於降將余世忠因襲破之含初敗死與死者諸生李映陽武生唐屏鄧士鳳熊九鼎及宗某人稱宗麻子云

故汜水知縣胡定海義士董某揭新起兵於德興定海之官有惠政旣罷貧甚授徒於婺源董氏亦義俠也破家起兵定海爲之請諸鄉寨張天祿次婺源定海以兵絕其前而敗被殺首誅而尸不仆揭新亦起兵居址不可考與之同死董後死於粵

諸生吳江起兵於星子江聞金聲桓復爲明起兵應之譚泰破九江江部兵期再舉其部已通歛於譚泰執江獻之不屈而死

諸生金志達僧了悟起兵九江集衆萬餘屯於鄱陽彭澤間取東流建德又戰於池州尋敗死

撫州僉事曾益吏部主事曾應亨郎中郭應銓御史揭重熙故將王益八舉人王秉乾續明紀事本末 卷十五 二十九

諸生湯仲發起兵臨川益聞江西急卽親與李含初同謀起兵蓋最早矣應亨起兵應益王衆潛走臨川汀贛之間及永寧羅川兩王起寓書應亨爲東道應亨喜募兵數百相犄角且走書諸大姓一日方設王得仁偵知之陰自祝家渡至應亨卒不支走石室其從弟謂應亨實買禍指穴出之遂及長一筠皆被執得仁揖亨應曰公義士也時不可爲宜就功名不應避之數十亦不應忘諸樹而射之已復爲旃言終不應得仁曰此鐵石人也乃殺之嘗被執時語筠曰一日千秋母自負也筠曰諾大罵得仁支解而死宗族死者二十餘人親故義士三百餘人呂里爲墟然亨應起兵先使弟和應奉父走故不及難利應聞兄死曰父爲忠臣子爲孝子亦復何恨奉父之福州福州失之肇慶肇慶又沒拜辭其父入井而死亨應叔械先以蒲圻知縣死伯益爲貴州僉事死人稱曾氏五節云應銓維經之子也與弟應衡應焯共舉兵大小十餘戰斬獲頗甚隆武番羅應銓應衡皆至郎中應焯戶部主事及維經視師贛州應銓屯龍泉爲犄角金聲桓來攻應銓設伏敗其衆部將劉文煜叛以城應應銓兄弟皆被執去奮擲殿下不得死劉一鵬誘之降不可扼吭死衡至吉安一鵬飲以酒碎其碗而罵翼齒斷臂死應焯



見董學成睡罵之抽腸死重熙集徐紐綬萬民望王宏等起兵戰敗劾去後拜督師之命轉戰諸路久之乃死詳江西之亂及殉節益八以戰死象乾仲發皆議舉兵事洩而死其刑尤酷仲發顯祖之孫也

義士陳宗弼起兵南豐久之敗死

益王由本江西布政司夏萬亨分巡道王養正知府王械推官劉允浩通判胡縝諸生鄧思銘義民孔徹元孔徹哲起兵建昌南昌已歿衆謀拒守械曰事急矣國無主不可以集衆乃奉王爲主王亦思起事苦不知兵年又少乃委軍事於羅川永寧二王與艾命新等出號召得劉琦楊獨龍僧丹竹等三十六人爲三三十六將兵凡七八千人爲三十六營移書敵血軍勢頗振又以便宜留雲南入援總兵趙印選軍助戰富民王某謝某竭尊助之事甫立而得仁馳至有保寧王者稱自河南至知兵衆信之及戰從陣後以火矢射象兵諸軍皆潰疑得仁之聞矣王奔寧都之佛祇堂後死於閩永寧走寧都萬亨諸人皆被執永浩督衆巷戰亦被執聲桓以萬亨能得民將降之徇郡邑勸受命萬亨書絕命詞以見志金聲桓不之殺械至武昌死王械被執亦送武昌死萬亨妻

續明紀事本末 卷十五

四十

顧氏子婦陸氏及其女孫皆入井死僕從殉者十餘人養正妻張氏絕粒九日死建昌人哀之合萬亨養正械允浩之柩葬之沌沔河側劉琦楊獨龍諸人亦多死惟丹竹絕健復從揭重熙攻撫州刃及得仁之面重熙敗丹竹亦病聲桓使九騎縛之丹竹奮起呼所部十餘人出伏自居酒肆琦不知卽丹竹詢之立殺二人其七人走遇伏獲其二追之又獲其二及聲桓攻廣信丹竹以長槍火矢逐之而陰械水中聲桓舟遁復墜於械遂大敗之後以精銳邀擊滿洲軍之入閩者首蹶而死新命南英詳下思銘故儀賓北都陷卽說益王曰身兼臣子坐視宗社傾覆盍可忍乎王大感動銘卽聯諸生稱庠兵請於有司則曰厯可兵耶置弗應衆遂散及王械等起思銘入其幕城破械被執聲桓憤其罵也縛諸竿而射之每一矢至輒呼未中及六矢思銘大吼曰經時而不能殺我技何劣也遂死元哲家富與客蔡觀光誓起兵及譚泰園南昌哲以衆援之不克而潰已傳德安瑞昌間有奉隆武宗人而起者徹元入城遂守吏應之已而寂然其黨執以獻兄弟皆死部曲盡散

永寧王慈炎瑞昌王統鑾知州張述載貢生魏一桂起兵瀘溪永寧以益王敗入廣東



連子洞旋竭其賞招蕭陞閩總張安四營皆徭寇也陸方夢日墜其門而王至益樂戴之禮部侍郎王廷垣知州揭重熙舉人艾命新諸生楊師古及羅川王皆從之復建昌乘勝拔撫州降臣鄒鼎實等皆遁走進拔進賢饒信撫建之間望風相應隆武帝手書存問使鄒綏因王以復南昌綏置不顧金聲桓兵四掠王率孤軍以戰裨冒矢石降寇謝志良等皆願受王命顧監軍張家玉執其手曰誓同生死英義之概爲明李諸藩冠值其部與羅川王部競羅川王死之王退撫州王得仁攻之急張家玉上王功請若漢制以魯益東海詔南昌克復必晉親王及鄒綏棄廣信遁湖東危甚張家玉南募兵聲桓急攻撫州王登陴守凡三月吉安又破隆武帝使傅冠以兵援江西次瀘溪而潰撫州援絕王突圍走建昌王得仁急追之遂遇害都司汪一貴守備杜有聲諸人皆從王起兵先後俱死統鑿既起兵授王來搦盛名非皆總兵郭應銜郭應衡主事分屯東鄉吉水龍南諸寨湯執中劉一鵬攻之來紉等死王亦殉馬一桂以貢生起兵執降令李光送鄭綵礫之故知州張述載亦起兵相與戰守敗金聲桓於密渾王得仁使盡族瀘溪丁傅魏三姓一桂棄妻子走福建襄將樂破之與永西德化興安諸藩王攻建昌亦

續明紀事本末 卷十五

四十一

破之金聲桓圍建昌一桂堅守凡五月始破一桂與諸王俱死惟興安得免時宗室子孫多起兵宗派封爵時日及起兵郡邑頗難考永西德化興安之起亦然附列於此羅川王某舉人艾命新御史艾南英起兵實東南英工爲文尤精於選核與陳際泰等齊名稱幾社風動天下王先及兩人奉益王號召吏士益王敗及永寧王走寧都又與入廣東復入江西南英攻撫州屯於進賢以糧置退軍許灣招兵貴東安仁可二萬及永寧至撫州王以兵會定計取南昌俄永寧部與王軍門王親出止之中流矢卒命新南英之叔也同起兵奉王與金聲桓黃道周相應羅川亡命新旋死南英入閩陳十可憂疏授主事尋改御史汀州變聞南英死之

襄東鄉破之屢與王得仁戰敗死

督師大學士余應柱起兵都昌金聲桓復爲明應柱散財起兵以舟師援南昌敗於落星湖已復謂衆曰吾年六十四官尊祿厚所不了者欠先帝一死耳後以兵救吳江楊捷以步騎猝追之與子臨顯及中軍帥師皆死之



宗至由樞起兵饒州由樞金華王屬也爲洪承疇所滅及其屬常游常洪堂消皆死  
都司趙祖衆謀舒奇謀起兵餘千敗死

義士徐孝伯起兵湖東往來谷郡又會傅鼎銓於徐博旣而敗死

都司徐德守備洪士邦起兵於安仁亦敗死

義士倪大顯起兵樂平大顯及弟大恢大登皆以勇力聞尙書周損以倍致之損敗從  
黃道周道周敗從曹大鎬及王得仁大發兵屠樂平軍中聞其勇爭欲得之有僧長八  
尺餘下馬來擣顯斫其腦應手死已度不支遂自刎大登大恢亦被殺

大理寺丞詹兆恒東湖副使胡奇偉前知唐縣胡夢泰進士徐時敏及楊文李克升起

兵於廣信兆恒起玉山隆武帝立兆恒表賀晉兵部侍郎夢泰與同起傾家募士亦授

給事中奇偉亦起兵守廣信府金聲桓來攻兆恒告急黃道周使監軍御史周定訥員

外郎萬文英援之定訥旋拜巡撫廣信之命文英分守鉛山鄭綵旣遁

固守擊桓兵敗之文英尋及主事唐佃出戰佃陷陣死熊開元以佃知兵自諸生薦

授主事使募兵數百出關應文英偶死鉛山亦陷文英盡室沈於湖夢泰定訥在廣信

### 續明紀事本末 卷十五

四十二

力守數月城破夢泰夫婦自縊死奇偉自刎死定訥亦死兆恒走玉山聚衆千人依險  
自保往來江西閩浙聲桓不能制尋攻開化擊降將李榮兵兆恒親身搏門誓死不移  
從兵盡潰中流矢死時敏文克升同起廣信之九仙山永歷帝已走南寧江西義兵亦  
欲盡時敏等猶爲明永歷帝封爲眞定侯秦破皆死

副將黃英義士謹延椿胡親民劉紹新起兵瑞州英及都司敖高蔣姜性雲聚於瑞  
州之雞公嶺崇山諸處王得仁攻之英等皆沒延椿親民詔新亦死於起兵

舉人譙志明故分宜知縣魯國琦前懷寧縣叢棟及其子炬武解元王東平與人李維  
楨黃棖晏揚勳貢生任汲汲洪黃國彥起兵於上高志明國琦棟東平維楨晏揚勳所  
謂七家軍也志明以兵東會陳泰來進攻撫州王得仁猝至志明沒於陣東平楨相繼  
以敗死維楨不知所終或曰自焚死揚勳棟皆爲僭彥亦奉泰來復上高殺其知縣某  
取新昌寧州圍瑞州不克攻萬載取之尋敗沒汲洪亦起兵奉泰來泰來死兩人不知  
所終

右都御史陳泰來起兵新昌泰來聞益王起兵將赴之其姻戴國士及同里按察使漆



嘉祿僞止之曰公受隆武帝命督江西義軍矣今復從王將奉以事國則王不可將兩事之是二心也公捐身家以教忠也示人以二人誰諒之乃止及金聲桓陷新昌國士曹志明等皆奉之遂復上高新昌寧州執國士妻子殺之進圍瑞州不克取萬載使其子正儀等他出從義旅及聲桓兵再至新昌守者數出降泰來走界埠志明等自上高會之進攻撫州王得仁猝攻之泰來走黃氏祠自刎死

監軍許文龍曾嗣宗起兵寧州金聲桓招文龍不應以兵逐降吏屯於奉鄉嗣宗在寧州聲桓攻陷之嗣宗死進圍奉鄉文龍固守凡三月食盡退軍界首食又盡乃被執死監察御史徐伯昌兵部員外郎彭焜金簡臣起兵寧都伯昌受命督江西義旅自新城廣昌至於寧都起兵克之善戰能守以書主捍鏡師被圍經年而不能破揭重熙傳鼎餘外城守久者惟寧都爲最及城陷大書於壁曰讀聖賢書但知守經死不知達權生自縊而死其子先以伯昌命匿妻山中返而同死焜以諸生起兵從楊廷麟擢今職廷麟敗以幼子屬之及寧都急焜飲親故酒曰此城破我義不辱行與諸公訣矣且我與

續明紀事本末

卷十五

四十三

楊公共事宜死徒以其孤在今已長必無絕忠臣嗣者揖諸人而托之素衣冠燒燭於庭呼妻李氏冠帔出北面再拜分就東西偏縊簡臣至李定國入江西時猶以兵屯寧都明年敗死有彭順慶者亦居於寧都劉武元招之不從旋被殺

詳江西之亂

義士陳其綸起兵於大相山瑞金治也揭傳諸軍沒其倫無內救遙聞鄒成功於福建降將胡有聲攻之走寧都之天心寨被執死

總兵陳輝汪碩畫副將汪洋監紀知州廖汝健起兵貴溪會胡奇偉攻廣信碩畫故袁繼威將受其遺命輾轉江西不肯降尋以戰死輝等亦沒

義民王寵鄒文鼎起兵吉水寵偕劉同升起以部兵不戢去往來臨江吉安撫州贛州之間金聲桓不能禦一日爲獲詭乞降夜半殺守者塞聲桓旗走過新淦至峽江降令某以爲聲桓至也亟以冠服謁逮殺之破其城走急書其旗曰追賊王寵呼噪而走旣遠聲桓兵始知之及聲桓復爲明徧招之不得蓋入山死矣

舊撫將鄧武泰起兵峽江武泰屯峽江始終不降義師起遂以兵應尋戰死

翰林院檢討傅鼎銓職方主事鄒見正起兵於宜黃鼎銓聞福州破乞兵於寧都之田



江西

江西 久之被執使降不可

宗海不應自集鄉兵復宜黃樂安復與揭重熙往來江西江西 令以書招重熙亦不可在獄閏月賦詩不輟有浴佛詩傳於世或欲去其髮曰留此與首偕將死人爲之泣鼎銓志氣如平時聞角聲曰可行矣我不任縛半行至順化門南向再拜刑者請跪曰吾自被擒誰屈吾膝者刑者淚下而顛右手殺之鼎銓以北都陷受賊命嘗求死以自雪置木主書年空其日月蓋誓志久矣見正合鼎銓每事必咨之鼎銓沒見正走吉安與劉季鑑圖復湖南仍故衣冠匿村塾爲人所訐捕至請自刃死吏謂之則大罵不食死獄中

都督宋獻忠起兵樂安授今職四家軍雖盡破忠等猶爲明戰敗而死  
都督陳文魁起兵其地後於南豐被執死

節婦劉淑英廬陵王靈妻也父鐸以揚州太守死璫難淑英十八而寡剖股以療其姑北都陷卽矢報國集家僅百四出召募遂成一軍後赴張光壁於永新光壁奇其才欲妻之淑英不可因奪其部淑英憤卒

義士李陳玉起兵於信豐侍郎劉士楨使其子穉升來與俱既而敗死

續明紀事本末 卷十五

四十四

工部左侍郎劉士楨起兵於龍泉破泰和廬陵吉安再沒士楨使長子肇履入閩乞師次子穉升從李陳玉於信豐爲贛州援贛破士楨走南田金聲桓復爲明士楨再使肇履募義兵從劉一鵬圍贛州令穉升入南雄結粵軍聲桓敗譚泰攻之士楨走龍泉吏索之急絕食而卒穉升後戰死於長橋鋪

編脩楊廷麟脩撰劉同升鄉官王其宏劉明保趙日詠起兵贛州北都陷廷麟搶地哭與同升起兵勒王授左庶子宗室統鑲誅劾姜日廣及廷麟謂謀不軌乃散軍俄金聲桓陷江西列郡驟沒惟贛州懸嶺上其勢亦岌廷麟同升及巡撫李允茂大集紳士於明倫堂起兵守廷麟開忠誠社其宏明保日詠各以家丁裹糧從四方至者且三萬人復招壯丁四萬留廣東兵數千及中書張同敞所徵雲南總兵趙印選胡一青兵四千大享於城西舊師恢復桓陷泰和廷麟同升乘其驕以兵復萬安諸縣江西 使張

安攻撫州屢疏行在請臨幸略言偏安海甸非計蟻居上游不易仰攻且左楚右浙閩背爲粵東控制三面兵甲精利六飛臨幸使四方豪傑知朝廷有恢復大計也隆武帝說鄭芝龍尼之不及行及樟樹敗與萬元吉共城守俄被詔將行聞吉安警陳兵郊外



馳疏言援吉安防贛州之計吉安陷聲桓乘勝攻贛州廷麟以新軍及廣西軍潰乃入城守軍聲頗振城破廷麟猶督鄉兵力戰已知不可爲散其衆脫身入清水塘自沉死將賈熊見之歎曰此真忠臣也倉猝無楫斬四門壘之東關之外同升子李鏞從父起者旬月輒敗惟廷麟起贛州堅守二年易子析骸人無叛志隆武帝嘉之錫名忠誠府四方聞者靡不義之又宗室由植別爲義兵擁立於贛州而主兵者之名不可考降將馬國棟攻取之由植及擁立者皆死布衣陸繼望陸洪基及南城某亦以起兵死而實事不可詳其從黃道周揭重熙諸人者復不勝計南昌再破其勢較折而廷麟子弟在湖中者至永歷帝入緬甸猶有存者久之而後盡

貢生齊巽中書張份僧不空起兵於閩州巽及份不空陸以衆起大學士曹學佺資之千金衆遂自殺懸招撫榜者錢肅樂聞之爲詩以自慰降人黃瑛密語托洛曰急取福州此類必散衆果駭滇人共愾之

大學士朱繼祚舉人曾世衰起兵莆田繼祚從隆武帝至汀州奔澤聞監國魯王在閩續明紀事本末 卷十五 四十五

安聚衆起兵與同安伯楊耿攻興化克之既而城陷被執爲訣命詞自縊將死復爲楹聯以自誓世衰破家起兵從繼祚克興化事敗走廈門憂憤以卒

義士李長蛟起兵延平延平居萬山中將軍寨尤峭險博托兵趨福州長蛟等奉德化王慈曰居之取大田諸邑攻者至扼於山勢不能克相持歷歲陳錦使於對山壘土齊寨而炮擊之長蛟諸人力戰死王被執死宗室王侯死者極衆始謂其險可依共保之也錦又嗜殺幾屠刈矣

建寧知縣蔣芬郎西王常潮及應天麟毛明卿李尙賢范恩印起兵建寧芬知建陽聞莊烈帝崩卽誓衆起兵捐資僦儲火藥募勇士劉鐵臂朱千斤等三請勸王其詞曰辛而邀天之眷迅掃狂氛社稷之福否則斷頸抉腹一瞑而萬世不視以酬國家三百年養士之報亦無負芬三十年讀書之心識者壯之南都諸臣無措意芬不得行後擢芬參政與朱繼祚共守興化兵入緋衣坐堂上死天麟聞黃道周出江西首以兵從於是員外郎中書舍人魏崇斌推官洪京榜賴繼謹諸生陳雄飛應士英王加封仲成治高萬榮劉醇商應椿蔡春溶林克佐黃子淵黃子靜黃壘曹璋各起兵合數千人從道周



及敗諸人並歿其給京榜劄以風雲雷雨虎豹熊羆龍象爲名改京榜所統名象字營  
硃書其末曰東山雨雪騰其在懷板屋温如何能不甲云云常潮夢魄入閩虎與臥於  
僧寺僧奇之與入古田降人高簡肆虐於建寧衆叛之遂奉王都官陳某復以虛告告  
遂以王都官爲左軍李文垣爲右軍率兵萬人及竹溪王屯東峰降于應鶴來攻設伏  
大敗之進攻建寧王祁景計突入之詳閩海車裂簡於市遂入松溪知州張朝國不降  
斬之屬邑皆附馬得功來自潰去屯於浦城王以兵復樂促浦城將扼仙霞關不  
克復順昌得功陷松溪知州戴應澤被殺死者十人王復使曾明遠葉利陳士良出甌  
甯政和攻松溪復得功自浦城圍建寧自三月至四月守禦百計間出戰勝負亦相  
當得功掘黃華山以巨炮墮西門梯而上衆皆呼曰休矣休矣王合宮自焚死祁以功  
封鄖國公揮兵巷戰不勝自焚死得功縱殺火三日夜不息屍氣聞數百里閱二年故  
將毛明卿復起兵戰於嚴關獨持狼筈奮力死鬪且以兵攻閩浙間希賢恩印亦起奉  
永歷帝號往來甌閩甯甯陽建寧松溪久之並沒

宗室統鎰起兵光澤顏揀福建江西廣東境使林惠於化朱寅攻安溪耶廷相敗之招  
續明紀事本末 卷十五 四十六

其部陳龍施建宇蔡淑皆叛降廷相復使淑僞還爲內應遂攻之馮珩朱議潛等執王  
以獻廷相殺之

義士林質起兵復德化再攻建寧降將蔡應科逆戰質敗被執死之

舉人陳希友起兵長樂累官給事中從監國魯王入於海鄭綵殺熊汝霖下上駭畏莫  
敢言希友獨疏劾之不納知必爲綵所忌上印爲僧

兵部右侍郎林汝霖吏部員外郎林塗起兵福清盜解官募兵千人扼於鄭氏鬱鬱甚  
至汀州倉卒不及救慟哭而返匿山中爲一棺書曰大明孤臣之極聞監國魯王至那  
邑起兵擁之爲主拜其父曰允當死久矣作令城守當扈事不終當死今更苟

延恐遺父母辱徒步荷戈與汝霖夾攻福清身雜伍卒然鄉民不習戰馬得功以勁騎  
衝之皆潰濫竊以所部戰身被數創猶不止流矢中喉乃卒汝霖授命總督義師福  
清之役亦被執除夕飲金屑死記室葉子器先被執使作書招塗塗書絕命詞與之被

死殺

義士林永聚起兵於永春州隆武帝雖沒汀漳福建仰死之間義師起永春尤甚結



寨三百有奇皆爲馬得功所破志乘不詳湮沒始盡及朱成功北出永春義兵復起可知者惟永聚耳有衆數千襲破州城李率秦攻之永聚敗死

金衢巡撫劉中藻故蘇松道李向中起六福甯中藻返自浙朱大典薦之召對稱旨命撫金衢中藻取苕獠青獠諸種人練爲兵隆武帝沒中藻走括蒼山中以兵攻慶元縣守之旋以衆歸監國攻福寧長樂皆克之降故將徐登華進尙書大學士治軍有律語富人佐軍食士卒樂之遂見疾於鄭綵監國使沈荃宸解之綵不聽縱兵掠其地馬得功乘之來攻中藻善守殺傷四五千相持閱七月城中食盡中藻知必陷冠帶坐堂上爲文自祭屠金飲死子諸生恩沛被執因浦城聞中藻死曰父死節子可不繼乎亦死兵科給事中錢胤範詳舉人連邦琪繆士垌方德新郭邦雍陳翰迅幕友歐甯呂天寵部將盧某董世南張先數百人皆死向中起兵雜谷山中藻招之監國以向中爲侍郎巡撫福甯且監中藻軍以其部屯沙埕中藻以忠義激士氣所戰輒勝其部衆頗不戢向中以法戢之馬得功圍福甯向中兵少不能救率涂覺華及襄武伯章義軍扈監國入浙江取健跳舟山晉尙書堂都察院以鄭綵橫批嘆曰此何天子何節度乎值其父

續明紀事本末 卷十五

四十七

卒監國使以墨絰視事及舟山破曰先帝以治行擢向中向中不死難華亭之役不與沈夏諸公死福寧之役不與劉公死儉生七戴希得報先帝今已矣父死在殯母老在堂向中可無死然不死則辱我死當我於海中以見志墨絰詣陳錦曰召君不至捕何至也則曰招恐謚降捕就死者翔步而出明日被殺

招討大將軍朱成功起兵海上傳三世至克塽降

詳閩海遺兵

部衆猶多入海者

儒士洪有楨楊淶起兵漳浦有楨工書名溢海外賈舶爭市之忽以俠士數百起嘉禾里據漳浦盡殺文武諸降人監國嘉之即以爲令未幾城陷被執瞑目大罵不絕磔之懸首高竿數日不變一卒投之水中夜叫號若有擊者乃羅拜而瘞之淶亦以起兵不屈死

在籍御史沈佺期光祿寺卿林橋升戶部主事郭符甲推官諸葛斌起兵泉州符甲家居與佺期等誓衆起兵親身督戰備體皆劓門猶不止或斷其首乃仆暴尸七日面如生鄉人義而葬之佺期後沒於臺灣橋升及佺期符甲共會監國圍漳州斌約楊義爲內應其夕守者移義於他門斌不知而往一軍盡沒斌義皆死郭必昌子顯亦謀內應



事洩一門十三人皆死

義士林忠起兵於南安居於雙溪與陳奇陳已相應馬得功攻雙溪奇已以鄭師來援兩人皆死忠走入海往來閩浙者八年有奇及鄭師再入忠更破德化大田守之宜永貴等來攻不克久之乃沒

僉都御史田關起兵入衛錦衣王之臣奉隆武帝命闕其軍誣以冒餉逮下獄然兵皆實籍餉亦已資官末之給也已而遇赦擁衆楚粵山谷間崎嶇不屈久之乃敢抗節死關起兵殉難非一地而始於閩故係之閩中義旅數抵江浙其期更遠諸人而外匿山林走海島至於屢歲者殆不勝計數然無紀著皆溷逸惟周之變亦起兵人以其黨阮大鍼薄之

職方主事周師文起兵興國山中金聲桓復爲明師文應之劉季鑠表授今職復入未陽軍中身先士卒何騰蛟不之喜乃之鄞縣遇蓋遇時使復吉安遇時欲降師文涕泣以大義止之遇時怒竟被殺

舉人郭金召起兵湖潭金召貌奇偉議論風生流賊陷湖南請於何騰蛟練鄉兵以守

續明紀事本末

卷十五  
四十八

已知不可爲絕口時事騰蛟兩薦之卒不起臨終題其額曰遺民郭金召墓監軍御史余鯤主事李春甲起兵復慶賀值何騰蛟下長沙遂依之騰蛟死鯤吞甲重繭入桂林桂林破走入山野不食死

諸生邱式耜起兵黔陽式耜倡團練禦賊徐步詣行在上疏授待詔招撫諸鎮將會李若符軍被執過沅州褒衣大帶見徐勇不屈勇致之武昌不殺式耜誓死爲文自祭云以羅汨之水首陽之薇致祭於邱君之神遂被殺及北京赦使至已無及矣黔陽破若符亦死

貴溪王常彪起兵永寧貴溪榮藩裔也榮王死王與總兵項登華擁其餘衆招兵苗中出攻沅州降將線璽擊之敗績線國安復來攻王固守未幾城破王及登華吳尙應皆戰死苗兵死者萬人

榮王由楨起兵辰州俄敗死貴溪王統其衆有遂平王者亦起兵死以時日居地不能確附之

義士謝韶龍尙可起兵未陽屢與孔有德兵角卒敗沒



監紀推官聞大成起兵靈縣大成甫起兵遠爲兵執在獄慷慨悲歌臨刑神色不動觀者雪涕大成曰無勞諸公痛我亦亦痛諸公之生也

文淵閣大學士總督五省義師唐誠起兵永州誠受父紹堯遺命及見誼毀家起兵助其母入粵誠號泣上印綬自囚贖母蛟麟禮而釋之或以其名入簿牘作詩曰無如世相拂此誼不忍絕入秦人山以終其弟訪官庶吉士知制誥亦奉命入楚聯絡諸賢不可爲痛哭爲僧稱食苦和尙

金知

崇陽王起兵苗中王入苗地散金帛敕印號召土司苗民翕然奉之出攻黎平陳友龍擊之王被執死連營皆潰興化土司某獨擁奉國將軍暉率入其寨以兵千人誓守友龍復攻之王及土司皆死湖南當黔桂之衝兵賊所萃戊子之間義師大起湘州人士多預其謀事後被逮者三百有奇湘陰陳之宣等其著者其他率不可考寶慶武岡辰永沅靖之墟又鄰苗寨漢民苗族憤義起者亦十百計一屠於郝永忠再破於屯齊及諸戰守死者文獻無徵益不能詳矣

續明紀事本末 卷十五

四十九

大學士陳子壯舉人杜璜邑紳李星一起兵廣州子壯聞蘇觀生更立紹武止之不可退居九江村永歷帝以爲東閣大學士兼兵部尙書總督福建江西湖廣軍務未行而廣州陷久之起兵多番鬼蛋民稱善戰陳邦彥使來結故知州梁若衡指揮楊可觀楊景葉亦招花山盜三千人約內禱期以七夕宵入廣州子壯喜先二日發可觀聞之曰死矣可奈何謀必洩語未畢被執使舉其同人怒曰今日斫頭終不圖緩死殺天下英雄修養甲殺之子壯走五羊驛邦彥後至曰公無再誤今日成棟必至我伏葦中公以青白旗爲識以大艦陣於西合擊之必大克成棟還至禺珠州伏起燒其舟成棟驚卻西邦彥逐之昏黑子壯兵望帆檣若櫛謂皆成棟軍陣動子壯令未徧後軍已走成棟乘勢擊之子壯大潰走九江其子上庸戰死值御史麥而炷來迎子壯從之成棟使降盜鄭昌爲導破高明執子壯送廣州養甲曰不極刑無以慄衆召降臣何吾騶王士俊李覺斯黃應華數十人列坐觀殺子壯衣以赭衣卑歷四門子壯不可办之數十大呼高皇帝烈皇帝不絕口養甲以木丸塞之坐而磔諸台詒舉酒屬吾騶等曰畏乎皆曰畏不敢異復析子壯骸投之四野子壯母朱氏自縊死及養甲降永歷帝贈子壯太師



番禺侯誼文忠即以養甲爲祭諭使養甲愧欲死養甲後爲李元充所殺將死恍惚見子壯射之云仲子士圖被獲家童伯卿請磔已贖主孤乃免後以中書統舊部居於山久之乃燼星一瑛攻擊慶敗死

巡撫張家玉舉人韓如璜大姓陳文豹林洸朱四維指揮譚某起兵東筦家玉以待讀監鄭綵軍綵遁家玉入新城與知州李翱力戰降武帝大怒曰統將入關令文臣陷陣何以自解玉乞骸曰得從七旬王父母五旬父母死不恨優詔答之尋以右僉都御史巡撫廣信乃募軍潮惠間說山賊數萬皆下之將赴贛州而汀州陷值到嘗

東筦何不治州

凡黃子元使迎家玉遂居之林如玉兵亦起家玉與共攻東筦克之藉降臣李覺斯家以犒士甫三日成棟兵至如璜戰死到嘗亦破家玉祖母陳氏母黎氏妹石寶入水死妻劉氏被執斷體死家玉徬徨無所止而文豹以西鄉兵來迎文豹者大豪也與故南海指揮安宏猷訓導張治舉人張恂尹斌皆起兵入東筦殺典史張元鼎遣使迎家玉期與合乘勝復新安屯於赤岡屢及成棟軍戰殺傷相當及成棟兵大至文豹及安猷皆戰死治恂自縊死文豹死靈爽殊異未幾爭廟之其後釐祀典文豹廟獨存比於江續明紀事本末

卷十五

五十

險之圖陳閩之鄭成功諸人矣家玉走鐵岡覺新子因覆其族墟落皆盡家玉慟哭過之緣途召集得姚金之陳毅子三千人取龍門諸邑而卻走詳家玉有奇氣少好劍術多結豪士北都陷被執不殺乃僞爲文諛賊乘閩南走至留都馬士英惡其出周鳳翔門羅織之削籍居浙江與蘇觀生同扈隆武帝入閩擢官以鄭芝龍不可恃請出關效死遂令入江西解撫州圍戰守於新城稱能軍故蹶而復起所至奉之至是更募萬餘軍爲龍虎犀象四名攻增城破之成棟使閩可義杜永和以馬步來攻家玉三分其軍倚溪厓以自固大戰十日力竭被困諸將請潰圍出家玉嘆曰矢盡竭餉欲戰無具將傷卒盡欲戰無人烏用徘徊島嶼以頸血濺敵人哉徧拜諸將投野塘死兵戮其屍送首於養甲值諸降臣觀殺陳子壯李覺斯恨家玉離坐請視曰無爲所欺養甲曰此貌清正固是義士必家玉也卒年三十三永歷帝悲悼贈少保大學士增封城候父兆龍固在即以爵之從弟有光有恒及鄧棟材韓如口楊如遠十餘人皆從死瑋爲家玉師與同謀起兵臨刑爲詩曰獨憐一片忠精骨不死沙場死法場四維諸生譚官指揮逸其名陳子壯圍廣州四維譚自上游起兵應之斷飛來寺山口攻下三水子壯奏授主



事譚亦進秩子壯死四維守清遠城陷而死

諸生阮大年李子徽鄉紳黃春榮黃奇策義士王興

此別王興

一起兵新會大年聞莊烈帝

崩哭於崖山楊太后廟聚海舟四百將發子椒亦以國變書大行皇帝位於家廟哭之曰生爲明人死爲明鬼可乎旬日得五百人又降海盜於昆侖可千餘人毀家具艦聞大年在崖山赴之相抱慟哭宏光帝立携其衆自海道入衛颶風大作飄沒過半甫至崇明而南都覆從者亦潰乃還及黎遂球在贛州兩人赴之曰從公竟一死耳城陷兩人力戰死春榮興得兵萬餘李成棟使招之春榮斬以狗尋敗死興亦死奇策亦新會人起兵而死或謂卽春榮云

虎賁將軍王興起兵文村興以勳臣奮起兵唐王聿錕脫出於廣州至興奉之甚謹文村在萬山中一線鳥道人不能入興軍守之且耕且拒李成棟修養甲無如何成棟爲明王及興奉表於肇慶廣東再陷興仍屯歷十餘年尙可喜屢招之不聽既而食盡又聞永歷帝訃乃邀可喜容金光至飲之揮涕曰吾受明恩二百八十餘年矣天不之祚然興豈能爲降將軍乎語次一人突入則故侍郎王應華也相見於邑不成聲飲三

續明紀事本末

卷十五

五十一

日語光曰所以邀子來者明吾不肯故主之忱耳命五子出拜髭鬚裂背而呼曰興不能回天命也盡召其妻妾登樓手發連珠炮自焚死王亦服腦子死光以其五子出其部走入海者猶過半

義士陳耀林賢舉蘇來劉子葵起兵惠州進攻廣州不克而還尋以敗死蘇來亦死子葵敗爲僧復謁永歷帝於肇慶使知龍州扼其門使黃應杰等不得叛有讒之者卽日棄官去後入於廈門

義士賴其肖起兵潮州降將文貴陳虎余成隆來攻其肖斬之未幾敗死又某寨民起義奉宗室趙王李某成棟來攻王卽祝髮遙光寺會陳子壯啓至成棟執王縊殺之總兵霍師達起兵胥江迎陳子壯爲軍主又合陳邦彥軍三水李成棟來攻師達以火舟出柵戰成棟敗走追之風忽反舟挂於柵師達戰死

大姓陳順簡起兵韶州敗死

義士賴熊起兵建陽復其城尋敗沒

義民某某起兵光山廠地在湘粵之交自英德之滄光廠逆流而上爲陽山爲連州爲



連山縣達於湖廣深遂險峭人工於統背發之無不中弋陽王某避亂其中土人戴之  
李成棟屢攻不能入反正後使洪士鵬往亦不得入宣忠伯王承恩自請往遇王陽山  
衆共留之不得出其將彭鳴京鍾某羅某願以其部隨承恩出圖自效亦不果

指揮白常燦起兵清遠奉陳邦彥守之矢盡援絕常燦方戰死或曰常燦即白榮守清  
遠陳邦彥衆至衣服皆明制常燦不知而迎之已知其降大怒呼其名而罵之不絕口  
遂死亂力之下

清遠屢被攻榮與  
常燦疑兩人後考

給事中陳邦彥大姓崔良楨

一作良

先起兵高州邦彥爲蘇觀生使桂林夜二鼓永歷帝召

入舟太妃垂簾西向坐丁魁楚侍語以觀生立君事邦彥謝不知且請急返肇慶繫人  
心永歷帝悅授給事中使還諭旨聞彭耀死入高明山中李成棟陷廣州邦彥在山中  
晝夜哭曰禁旅弱南甯又遠獨以奇兵襲廣州此孫臏所以救趙也聞萬元吉部余龍  
在甘竹離潰奔赴之至二萬人使攻廣州已督高明軍來會移書張家玉曰桂林累卵

得牽制之使無西逞則潯平之間可以安輯是致力於此收效於彼也家玉然之李成  
棟急還救聲攻甘竹龍卒內震各引還已使其門生馬應芳會龍攻順德取之未幾敗

續明紀事本末

卷十五

五十二

應芳赴水死龍戰於黃連江舟師三百皆被焚龍亦走邦彥棄高明攻龍門而守之佟

養甲得降人知攻廣州策出邦彥掩執其子妾使招之報曰妾辱之子殺之身爲忠臣

義不顧妻子養甲壯其節會李星一等兵又起乃殺之邦彥使約陳子壯伏禺珠州擊

成棟敗之子壯敗而走邦彥收其軍攻廣州城中揭楊可觀楊景葉普示之皆內應者

也邦彥哭而祭退軍三水霍師達白常燦麥而炫各使以城邑奉邦彥邦彥曰清遠廣

州咽喉也引其軍赴之橫江樹柵絕嶺北道成棟水陸二萬衆攻之師達首戰邦彥逐

北風返成棟乘之師達死邦彥衆大潰成棟攻之邦彥及諸生朱學熙固守十日不拔

穴城轟之藥發而陷邦彥自起兵日或一食夜則坐寐與士卒共甘苦故其兵銳常分

援諸將至是以數人巷戰肩被少三不死走朱氏園見學熙先縊死哭拜之將入水兵

鈎出之與總兵曾天奇同被執養甲礮之談笑就刑神色不變爲絕命歌曰天造兮多

艱臣也江之滄書生談兵時哉不我與我后兮何之我躬兮獨苦厓山多忠魂先後照

千古旣死其肝猶躍起直擊監刑之者面其人怖立死天奇亦死良楨死於高州

湖南巡道黃公輔起兵入新會及新甯張家玉思用之旣而敗死



御史麥而炫起兵高明迎陳子壯以故主事朱蓮實攝縣事城破蓮實戰死而炫被執至廣州不屈被磔而死

漳平伯周金湯起兵於雷廉州金湯自滇至廣東聚兵雷廉海中龍門鄧耀王興之將王懋德及李玉黃確鄭球皆結之爲尙可喜所敗懋德玉確球皆敗死金湯被執死總兵黃海如起兵雷州殺知府趙最推官李宣國以守使結鄭成功攻廣州不克死推官張孝起起兵廉州人多應之爲李成棟所敗妻妾入海死厲孝起於軍中成棟再降孝起得脫走永歷帝徵之自給事中擢撫南寧及高雷廉瓊四府四州沒孝起走龍門島絕粒七日死

總兵鄧耀起兵於龍門圖恢復周金湯結之金湯敗可喜急攻龍門耀出搏戰大敗走交趾交人擊其部死者被海耀走廣西入土司被縛而死有蕭圖隆者既降復與洪彪周祥勞來陳啓新攻思平開平陽春陽江諸山寨爲尙可喜所擊圖隆赴海死彪等被殺

分巡道陳武起兵瓊州拔臨高昌化黎人響應僱崖道絕高進庫告急尙可喜使張國繪明紀事本末

卷十五

五十三

柱擊滅之其諸別部英六吉劉良機張興龍揭結陳志良並起兵據山險以守志良戰尤銳尙可喜屢攻之不能克已知不敵使其部羅髮免屠戮已盡其室自焚死部卒多走入海不從其命六吉諸部亦入於海

廣西巡撫方震儒起兵桂林震儒聞宏光帝立卽遣兵入衛俄受代去兵以潰還

宗室

封爵宗孤逸

朱盛濃起兵富川及豐城侯李茂先屯黔廣楚交界之山中招致獠獯攻

拔郡邑與李定國遙相應線國安擊之寨多破其弟盛添臨陣死明年茂先敗績於融縣死之盛濃輾轉兵間爲期最久自粵入川至康熙元年始被獲抗節而死

貢生何復圖起兵楚粵間結寨自固以衛堵允錫爲曹志建所攻被磔死廣西自李成棟曹志建陳邦傅李赤心郝永忠孔有德孫可望交膺不已忠節之志錯出其間桂林旣亡率猶據守故定國再至義兵四起數且累百爭復爲明卒以邊徼無徵失之舉人賈鍾斗諸生劉士愷龍明新起兵仁壽先後拒戰城陷皆力戰死

義士雷應奇起兵井研聞賊至曰奈何郡州無一殺賊者糾義勇拒於高境關返至桑園力殺賊賊死



給事中吳宇英起兵新都賊授宇英以御史不從盡散其財募兵二千入神仙洞以待勤王劉文秀圍之三月食盡盡室自縊義兵皆死

游擊曾英起兵重慶英為陳士奇所制屯白帝兵不及千進次涪州大募士卒值貢金十萬至英曰此進必資賊不如留之旬日得衆十萬遂大振旣而敢死見前

分巡道劉長麟起兵涪州曾英邀之與擊劉文秀白文選大敗之及英敗長麟亦死時兵部侍郎侯思恂提學道王芝瑞亦先後起兵思恂旋卒

諸生董克治起兵合州擊賊不勝保其峒不下賊誘以官不從經一月賊以火薰峒凡三千人無肯降者時比諸田橫云

義民蔣士鉉起兵永川集衆二百守州城戰於東門被執墮目大呼曰速殺我不降也賊磔之

鄉紳刁化龍起兵江津獻賊招之不聽旣而敗死順慶道葉可緒知府史觀宸及李從彥歐永祚起兵順慶圖恢復觀宸為賊所執大罵而死可緒等亦歿

續明紀事末本 卷十五 五十四

諸生樊明善起兵南充明善聞北都破喪服詣巡按龍文光曰鼎湖今逝臣子不共戴天公聞變三日矣乃無所為耶文光深謝之明善自集兵禦賊而死

郎中李含乙起兵廣安含乙方居憂賊陷其邑募兵數千克之其黨馬元利來攻方戰被執邑人王樹從含乙為裨將已潰圍出慮含乙被獲反戈殺數十人與俱不屈死

諸生熊兆桂李師武魚嘉鵬起兵敘州兆桂首舉義師武附之被擒曰天運至此任爾戮我賊禡其革冒鼓懸諸城嘉鵬為僞官拷訊厲聲曰自我為之恨不斬逆獻耳與師武皆被磔死

進士王啓歲起兵安岳得萬餘人戰死於陣石泉王聿鏘起兵敘州馬湖間聿鏘作聿鏘似誤克其城土夷服從李國英為徙鎮重慶以備

之其死也距永曆帝已亡後蓋義兵之殿矣巡撫馬乾起兵達州賊陷重慶謂官軍不足懼以少衆守之乾起攻賊敗走遂復重慶

後死於難見前副將朱化龍通判萬文相起兵龍安克茂州與詹天顏守之獻賊毒四川屠戮無甯宇



惟龍茂間以化龍諸人屢創賊禍少戢已與天顏復龍安府斬賊將王運行擢化龍總兵官屯茂州李國英攻之屢年不克及川中諸將降潰化龍猶固守已而城破被執不屈死其馬見之亦悲鳴躑躅而死

同知詹天顏起兵松潘與朱化龍相結松潘之間不大被賊者天顏之力也尋及化龍復龍安府擢撫其地及李國英攻石泉天顏力戰被執死

長沙知州高明起兵建昌衛劉文秀再至明拒之焦家屯敗自焚死

戶部員外郎范文光舉人劉道貞蘆山舉人程鳳翔雅州諸生傅元脩傅元覽張士麟唐默鍾之俊胡大生溫其仁溫其信起兵雅州文光及鳳翔等奉鎮國將軍平櫛爲蜀王推黎州參將曹勛爲副總兵已監其軍與劉道貞相結及楊展死文光憤入山劉文秀入雅州文光賦詩一章仰藥死鳳翔等多敗沒道貞自邛州走雅黎與曹勛起兵賊至擊之小山關大敗之斬首千級賊還據邛州道貞使其子揆度攻之賊搜道貞妻王氏環手械頸使招揆度大罵不從賊支解之遺骸皆盡揆度亦沒於陣而沈道已南不被兵諸生葉大賓爲賊脇爲令乃即紳士密與檄賊分守浦江大邑已矯賊令殺其酋

續明紀事本末 卷十五

五十五

帥州民萬餘奪西門去亦奇士也

通判王懋烈起兵松陽俄而敗舉室死之

參將曹勛起兵黎州居數日宗室平櫛至勛及花文光程鳳翔等共奉之賊黨來攻勛大敗之其後屢創賊

見范文光字其境曰忠孝路復偕諸將攻川南及楊展死勛失勢

遂被執

武進士楊展起兵繼爲展負材武與曹勛共守成都兵少不足用城陷賊縛之未殺展斷其索躍入江泳游而下至嘉定賊已改州爲府使其黨守之乃復至健爲起兵其後名大著川中諸將恃若長城時共推曾英爲上將然英軍律材武皆不及展獻賊棄成都亦隱畏展獨李乾德惡之使殺展急攻嘉定而沒其費蜀事益裂

指揮王萬春起兵瀘州衛萬春憤多降賊者以屯兵數百拒戰被執合門死之

貢生黎應大起兵夾江應大潛結鄉鄰倡義恢復事洩賊支解之子照斗照達照鸞皆死之

千總周鼎昌起兵鎮安爲木城以拒賊劉文秀爲橋於青衣之夾江以圍之鼎昌潛斷



之沈其士卒甚衆文秀走還鼎昌廢之南岸斬獲無算文秀出不意覆之  
千總廖佐峨眉人楊世泰起兵羅徵堡峨眉治也佐世泰以堡兵義勇千人入峨眉守  
之與楊展相應已而敗死

義民余登輝起兵眉州賊將狄三呂驪民於道姑庵原田場盡殺之凡五千有奇輝裂  
衣爲旗集遺民柵於醴泉河賊至衆以綬鋤白楮殺之賊走東館輝使僞獻酒米賊納  
之夜半襲之內外夾擊復斬數百級遂名饑勝營起兵者多歸之相持二年賊不能勝  
後爲向成功所殺成功亦爲吳三桂所破前川中義旅異他省往往自賊故楊展死於  
袁韜花漢門於湯國聘登輝覆於成功蓋無能節制之者

宗室朱盛濤起兵巴東輾轉數回後入於小尖寨寨破被執而死

諸生余飛起兵花溪地枕飛仙關青衣水又阻之飛伏谷中使誘劉文秀入伏發不得  
出斬級三千及文秀再入川屯於天生城飛攻之單騎被困力殺數人死中江射洪之  
民間賊至結營阻守賊不能破使人僞爲籓王子某至民競戴之賊兵突至其人內應  
民寨皆破以不得其主名者附誌之

### 續明紀事本末 卷十五

五十六

總兵王祥起兵於遵義於蜀爲枝附祥以九子隘官起出師綦江聲望並曾英王應熊  
尤任之後死

僧啼容起兵於豹子峒啼容七寶寺僧也賊攻豹子峒啼容曰峒中數十萬生靈可坐  
視死乎糾義勇五百身先衝賊大敗之圍解相持久之復殺賊千餘一日賊突至遂爲  
所殺

六番招討楊之明起兵天全與宗室御史朱統鈔舉人鄭廷爵擊賊雅州之飛仙關兵  
敗被殺廷爵收兵再戰沒於陣統鈔勸丁啓睿疏賧灸人口卒起兵死

宣慰使馬京土千戶李華宇起兵於黎州賊惟懼土司難服鑄金印四出招誘京年纔  
十六擲印不降僞將苗甲至京及弟亨密攻之擒其黨數千人殺以襁旗遂討獻賊使  
白翠宴招富莊頭人姜黃奈李張包察七姓助之華宇時八十矣亦以土司起兵卽七  
姓衆將之而海崇堡指揮丁應選寧越營守備楊起泰固受巡道胡恒檄以兵入援聞  
恒死遂與華京宇合凡兵萬人與賊大戰於雅州之龍觀川殺數千人擒僞總兵方甲  
賊不敢逼洗黎之間不被兵者數年及劉文秀再入川京先卒亭猶死守被執不屈而



死華京苦戰賊擒而磔之應選老矣亦沒於陣並七姓頭人無一降者

總督李若星起兵雲貴若星聞北都受使胡一青趙印選兵入衛洪光帝立止之曰果至常德即諫何騰蛟命下而一青印選已入江西矣若星旋受代後以尙書死滇難或曰死武岡州

鄉官顧人龍兵起定番孫可望入人龍率土兵拒戰殺賊

知州吳子麒起兵新寧可望至子麒謂在籍主事劉縮楊元瀛曰吾儕明老臣也坐視賊黨屠戮鄉里何以見先帝因起兵扼賊要路敗之嗣賊益衆爲所擒各不屈死

舉人段伯美諸生余繼善耿希哲起兵晉甯推昆陽人程師孔爲軍師李定國攻之師孔遽遁伯美繼善兄弟弗敵自刎死

知州夏訓祖起兵呈貢俄敗死祖訓蓋與伯美等共事者

知縣周柔強起兵江川拒李定國於撫仙湖敗績死之一軍皆燼

舉人席上珍金世鼎晉寧知州何思大起兵於姚安賊至上珍謂思世鼎曰城尙可守曷起兵拒之各散家財募士二萬爲固守計事未竟而賊張虎至一戰而敗世鼎自殺

續明紀事本末 卷十五

五十七

上珍思大被執至昆明可望呵之上珍厲聲曰我大明忠臣肯爲君屈耶罵不絕口可望褫其革自頂及踝罵聲猶隱隱也思大亦合室死時雲南義兵大起孫可望李定國解鶴慶之圍爭昆明呈貢晉甯歸化間富民死者無孑忠義之士悉爲所燼

守備張倫起兵於鐵索營可望屠之倫亦死

土知府那嵩起兵於沅江那氏世襲土知府嵩亦循法聚書千卷甲於滇中永歷帝過其地高師子燾出謁供帳卑謹筵列金銀飲器宴畢以獻曰此行上供少聊供乏耳及李定國在緬以敕印召土司無或應嵩與故將高應鳳起兵傳檄遠近總兵許名臣土司龍贊陽皆與合將偕定國攻緬甸迎永歷帝吳三桂攻之嵩戰不勝入城守遣使告急於定國定國將救之爲孟良士司所擊三桂掘濠困之躡月應鳳戰死嵩盡室登樓縱火自焚士民皆巷戰死沅江如洗矣

土司龍吉兆龍吉佐起兵於馬乃馬寶等攻之兆佐誓死守七十餘日柵破被執吳三桂問何爲反兩人曰我受國恩三百年仗義而死何爲反又曰獨不畏死耶曰我兩人以忠義死不愈於爾不忠不考而生乎同聲大罵三桂怒殺其舌而殺之以其地爲普



安州道人梅某與尹士表張琦謀興復假沐罕忠書使寧州土司祿昌賢起兵事洩皆  
死罕忠沐天波子也將死語妻龍氏曰吾且不測汝妊娠生子可無絕先人嗣使內官  
際九德僕白君愛匿之際飛熊所龍氏得代不死其後新興土司王耀祖等兵起知龍  
氏生子曰新保檄告諸蠻以滇邊土司絕重沐氏也及敗匿新保三桂弑之耀祖等  
多死而水西安坤亦總兵皮熊簪之起云

存以待致

續明紀事本末

卷十五

五十八



